

呼倫貝爾邊務調察報告書

張朝墮書函





3 0591 1586 9

報	道	呼
告	務	倫
書	調	貝
	際	爾

呼倫貝爾邊務調查報告序

治邊之道。不貴能戰。而貴能守。漢韞錯論備邊。務徒民實塞。使屯戍益省。輸將益寡。趙充國鎮金城首策屯田。奏凡三上。其便宜十二事。亦不外貴謀賤戰。先爲不可勝。以待敵之可勝。旨哉言乎。旨哉言乎。後之談邊防者。其孰能外之。近世以來。五洲棊通。列強競進。不憚探險拓地。以爲領土。可謂好勤遠略矣。然每得一地。必實行其殖民政策。誠以有人有土。非侈言廣漠。所能坐守。無古今中外。其道一也。我

朝龍興東土。首先征服東海窩集。暨薩哈連諸部。康熙二十八年。復征服羅刹於雅克薩城。定尼布楚額爾古納河界約。自外興安嶺。以達於庫頁島。無遠無近。悉主悉臣。自時厥後。垂二百年。無一將一卒之守。而邊境安於磐石。罔由威德遐邇。大小畏懷。亦中外時勢未移。得以晏然無事也。迨咸豐季年。俄人乘我無備。進據黑江左。及烏蘇里江以東。至海濱之地。定愛琿北京兩約。坐失外興安嶺天險。東北邊界。遂無一不關重要。呼倫貝爾居東北邊界上游。西北迤東。處處與俄爲隣。西南控制喀爾喀外蒙古。東南屏蔽黑龍江省城。東清鐵路。自西

邊入境貫穿黑龍江吉林腹地。又經庚子之變。客主易情。籌防尤急。光緒丁未冬。小滙奉。命權鎮斯土。目睹殘破之餘。熟計防維之要。以爲行政次第。首在邊務。而籌邊必先實邊。實邊必

資屯墾。明年春。因請


省署奏於

朝變通卡倫章程。以守以耕。通力合作。務使戍卒堅久安之志。後來無失所之虞。肇畫綢繆。規模略具。嶺邊荒寥。落。憑藉毫無。絕塞孤懸。險度非易。百聞不如一見。知己尤貴知彼。自非實地視察。何以施措咸宜。泊夏時和凍解。水陸可通。檄令調查員。揀選知縣齊守謙。測繪員巡檢趙春芳。將弁高等生曲觀海。差遣員府經歷慶祿等。分道詳勘。自五月至十月。凡六閱月。歷千五百里。陸行則疊嶂森林。道路未闢。水行則荒谿絕湖。舟楫難施。以至炎暑蚊蟲。秋風雨雪。靡險弗履。無苦不嘗。乃隨行隨記。隨記隨圖。歸而參互鈎稽。詳繪編輯。又竭五月之力而竣事。計分篇二十有一。而括以十三門。首國界。嚴疆域也。次河流。次山脉。辨形勢也。次地質。次氣候。明土宜也。次物產。著地利也。次部落。重屬人也。皆就固有者言之也。至欲保其

固有而謀所以布置之。則不能無事於人爲。故次之以卡倫。以植屯墾之基。次之以治所。以立遠大之規。次之以交通。以謀轉輸之利。次之以稅務。以收利權之失。次之以兵防。以銷侵軼之萌。而後終之以俄屯。以見彼族經營之實。籌我國制禦之方。取則不遠於伐柯。補牢猶及其未晚。既條分而縷晰。庶本末之兼賅。復附益以圖表。發明其見狀。既詳既實。秩如瞭如。舉而行之。推而利之。此其依據矣。雖然。理論者。事實之母。才智者。幹濟之資。天下事言之非艱。行之維艱。行矣。而靡不有初。鮮克有終。古人於此。尙兢兢焉。矧小濼之庸蠢無似。可與圖成功計久遠乎。後之君子。洞觀時勢。熟權利害。尙有以補救而廓張之。幸甚。

宣統紀元閏二月既望。暫護呼倫貝爾副都統學部二等諮議官花翎二品銜 軍機處存

記道宋小濼序



凡例

一此次調查。係專爲籌辦邊務。凡於邊界有密切關係者。均條分縷晰。一一載入。其呼倫貝爾全境。容俟續察。

一倫境歷代均未隸中國版圖。舊有典籍輿圖。復多略北而詳南。無從居今以稽古。此次調查。以詳勘見今之邊境實情爲宗旨。沿革則約略言之。以見我

朝拓地之廣。爲亘古所未有。

一額爾古納河右岸。山脉河流。因調查時期甚促。加以山深林密。未能竟委窮源。尙屬缺漏。其距邊界稍遠。山河來脉流域之大者。略據舊圖採補。恐不無沿誤之處。俟後續行查明。再爲補正。

一國界之大勢。沿邊之要地。既繪全圖。復繪分圖。圖所不能繪者。又列表以明之。務期一見瞭然。

一沿邊輿圖。均就足跡所至。目力所達者。而繪之。未至未達之處。概從缺略。其道里度數。與山

之高低遠近。因時促人少。測量器械不全。恐不無少差之處。尙乞鑒諒。

一山河卡屯之名。或蒙古音。或俄音。均就沿邊華民所通稱者而譯之。以期舉而易知。如有與他書稍異者。則註明。以備參考。新命名者。統用漢文音義。

一界內物產。種類甚多。僅就見聞所及。有關實用。擇其大者要者而言之。其他未聞未見之物。概不採入。

一邊備久弛。在在皆須整頓。故不揣冒昧。於已辦擬辦未辦諸大端。每妄參末議。以陳其梗概。明知一得之愚。未必有當。然以身歷其境。僅就管見所及言之。以竊附芻蕘之意。

目錄

上卷

第一

國界 天然界綫。與人爲界綫之沿革。及見今之定界。

第二

681.543
1A

河流一 額爾古訥河之源委廣遠及港汊。

河流二 額爾古訥河右岸之支流及名稱。

第三

山脉 額爾古訥河右岸各山及大小形勢。

第四

地質 額爾古訥河右岸平原大小及肥瘠並種植所宜。

第五

氣候 額爾古訥河右岸寒暖度數。

第六

物產一 額爾古訥河右岸山中鳥獸及皮革。

物產二 額爾古訥河及右岸支河產魚種類並如何捕取。

物產三 額爾古訥河右岸各項礦產及已採未採。

物產四 額爾古訥河右岸樹木果品及羊草

第七

部落 界內山中鄂倫春及收籠方法。

下卷

第八

卡倫 邊界卡倫之沿革及見今分設數目並相距遠近。

第九

治所 界內設治處所及商場。

第十

交通一 界內道路之遠近夷險衝要並應如何開通之處。

交通二 郵車。

交通三 額爾古訥河行船。

交通四 界內應設電綫之處。

第十一

稅行 界內木植羊草牧畜皮張各稅。如何徵收。及數目。

第十二

兵防一 界內土匪及俄匪之闖入。何處最多。並應如何設防。

兵防二 沿邊何處最爲險要。可以屯兵。

第十三

俄屯 界外俄屯之大小疎密。及兵村民村。生產風俗。

附錄假道俄境調查記。

第一國界 天然界綫與人爲界綫之沿革。及見今之定界。

先王疆理天下。首在嚴界域辨華彝。蓋國界所在之處。即國權所至之處。亦即國際之所由生。呼倫貝爾。實我東北上游邊防要地。其正西稍北。與東北一帶。均與俄國爲鄰。尤界學家

所宜注意者也。然考前代歷史。其地多未隸版圖。唐虞三代之時。地在荒外。其詳不可得聞。七雄之世。稱燕國北有東胡山戎。亦未指其地之所在。至秦并六國。東胡擾邊。築長城以禦之。凡長城外東北之地。咸目之爲東胡。蒙恬復斥逐匈奴。收河南地。匈奴遂北遷。漢武帝專務拓邊。遣大將軍衛青出塞北征匈奴。至於盧胸。即今克魯倫河爲中國兵力至呼倫貝爾之始。當是時。匈奴遠遁漠北。滅吏胡分左右部。偷境遂爲匈奴左部。漢桓帝時。鮮卑盛強。盡據匈奴故地。分爲東中西三部。偷境遂爲鮮卑東部。在晉則爲地豆于國。南北朝爲烏洛侯屬地。按皇朝文獻通考云。烏洛侯即俄羅斯。爲元魏先世所居地。又魏書序紀。宣皇帝南遷大澤。方千餘里。厥土昏冥沮洳。謀更南徙。未行而崩。獻皇帝時有神人言于國曰。此土遐荒。未足以建都邑。宜復徙居。帝衰老。乃以位授子聖武。皇帝詰汾。奉帝命南移山谷。高深九難。八阻。於是欲止。有神獸其形如馬。其聲類牛。先行導引。歷數年乃出。始居匈奴故地。證以圖里琛所記。匈奴故地。即今喀爾喀偷境。西與喀爾喀密接。其爲烏洛侯國無疑。至烏洛侯即俄羅斯。實無確據。考俄羅斯性質。的是歐洲種類。且南北朝時。其勢尙未東漸。其以烏洛侯即俄羅斯。恐

非是北魏南遷通中國。烏洛侯仍居其地。魏眞君四年。烏洛侯國來朝。稱其國西北有先帝石室。室有神靈。是歲遂遣中書侍郎李徹告祭。斬樺木以置牲體而還。所立樺木成林。其民益神奉之。今額爾古訥河左右岸。延內興安嶺一帶。多產樺木。亦其證也。又四夷傳云。勿吉在高句麗北。室韋在勿吉北千里。地豆于在室韋西千餘里。烏洛侯在地豆于北。去代都四千五百餘里。西北行二十日。有于已尼水。即北海也。蓋當兩晉南北朝之時。此數國犬牙相錯。游牧無常。遞爲雄長。至隋代。突厥最強。其始自木杆。可汗。北併契丹。後拓境日廣。自遼海至西海。東西萬里。自漠北至北海。五六十里。周齊皆畏憚之。後分東西兩部。今俄羅斯西伯利亞部。皆屬東突厥。倫境即其東部地也。唐代突厥衰微。高宗破之。凡僕骨。拔野古等。均在倫貝爾地。皆爲羈縻郡縣。唐末五代之時。渤海。靺鞨。種人強盛。西併契丹。盡得夫餘。沃沮。地方五十里。建國於室韋山。至宋契丹強。復其故地。改國號遼。室韋之地。盡爲屬國。故有黃皮子室韋。黑車子室韋。共二十餘部。今倫境之室韋山。並室韋公特嶺。所由名也。按黑車子。善作車帳。其人知孝義。地貧無所產。契丹之先。爲回紇。後背之。走黑車子。遂學作車帳。今倫境蒙

古車之甕唯尙自作也。又朔方備乘北徼圖說載契丹東北至媯厥律水出大魚契丹仰食

又多黑白黃貂鼠皮其人最勇鄰國不敢侵蓋即今呼倫貝爾地又遼道宗曾泛舟黑龍江

即額爾古納河下游又置鎮州建安軍節度築城曰古可敦在今克魯倫河北專澤衛室韋突厥則倫境之爲

遼屬地可知南宋之時生女真越興安嶺而西其廣吉利諸部常游牧於呼倫貝爾兩池今

倫城西北三百餘里有東四一帶之界鑿舊圖註謂金源邊堡者即金人博果勒之所浚也

至元代發祥於斡難河即今黑龍江上游發源於大肯特山亦名放綠河奄有漠北之野塔塔兒部宏吉剌部均爲

所吞併跨怯綠憐河之地即克魯倫河太祖封弟斡赤斤今倫城北二百五十餘里根河北

岸有故城基城四面共二千步內有高土臺一南北長五十步東西寬二十五步破琉璃瓦

亂積其中東西路直貫爲俄人入山者所踐而門外有水泊水清而不見底相傳宏吉剌氏

之所居後入中原遂以其地爲嶺北行中書省治和林即今庫倫倫境西與庫倫接壤其爲

嶺北省所統治也可知至明太祖伐元拔大都即今北京元嗣主愛猷識理達騰復奔和林六傳

至坤帖木兒未幾被弑鬼立赤篡立爲可汗去國號稱韃靼永樂六年阿魯台殺鬼立赤迎

元裔木雅失里立之。嗣因殺明使成祖。乃北踰闕濼海。以擊破於斡難河。木雅失里復爲瓦

刺所襲。徙居臚胸河。成祖復親征。逾臚胸河。至闕濼海。即今呼倫木雅失里衆潰散。阿魯台

降。木雅失里爲瓦刺馬哈木所殺。阿魯台擊破瓦刺。漸驕。塞入寇。帝親征。破之。東走兀良哈

即布特哈地。當太祖之時。置朶顏。秦。寧。福。餘三衛於兀良哈。後三衛亦陰附韃靼。常爲邊患。倫境

東接布特哈。實亦韃靼之往來游牧地。統觀歷代之沿革。古人皆未身履其地。所書多出傳

聞。未必盡確。土人不講文字。又無紀載可考。不過約略言之。然或爲外夷。或爲敵國。或朝貢

或征討。雖遼金元之拓地廣遠。亦大率部落散居。爲諸王封地。從未有如我

朝之混一區宇。實隸併轡。我疆我理者。我

太祖高皇帝於癸未征尼堪外蘭。此用兵黑龍江之始。天命元年七月丁亥。遣大臣率兵二千。征

薩哈連。即黑龍江。八月丁巳。駐營黑龍江南岸。凡附近黑龍江。呼爾哈部。索倫部。諸達斡塔庫

喇喇路。方略云。即鄂倫春。又均相率來歸。十年。太宗命阿賴達爾漢。率外藩蒙

古諸貝勒。往迫茂明安部下。逃入。至使鹿部。喀木尼堪地方。招集葉雷舍爾特庫巴古奈

土古等及其從役家口來獻。凡沿黑龍江南岸之索倫部，遂無不奉正朔稱臣妾矣。按使鹿部，即今額爾古訥河右岸山中之鄂倫春人，所使之獸，俗謂之四不像，其形似鹿，故謂之使鹿部。至順治初年，羅刹即今西邊俄羅斯人始吞併尼布楚地，又東竊據雅克薩，築城以居。後遂屢爲邊患，索倫達呼爾諸部皆被其侵壞。康熙二十一年，始命將出師，數次撻伐於呼馬爾河，駐兵相持，羅刹乃懷德畏威，不敢發焉。思遠二十八年，遂命領侍衛內大臣會同俄使於尼布楚城議定黑龍江界約，立碑額爾古訥河岸。其第二條云：將流入黑龍江之額爾古訥河爲界，河之南岸屬中國，河之北岸屬俄羅斯國。此即天然界綫之屬於呼倫貝爾東北者也。但查額爾古訥河見今之流域，其大勢係北流入黑龍江，有東西岸，無南北岸。而約內言南北岸者，或以將近黑龍江處，河水微曲而東，故曰南北向與。雍正五年，議定恰克圖界約，第三條內云：查罕敖拉之卡倫鄂博，至額爾古訥河岸蒙古卡倫鄂博以外，就近前往兩國之人，妥商設立鄂博爲界。復查是年議定恰克圖東西鄂博案內有云：由布爾古特依山南巴彥梁起，至東邊額爾古訥河源，阿巴哈依圖即可巴該圖山分界。其

立鄂博四十八處。但倫境所設之地。約文則均未載明。復查某年所定之阿巴哈依圖約。共立鄂博六十三處。自三罕敖拉卡倫鄂博。至額爾古訥河最高處之中國卡倫。在此附近一帶。設鄂博五座。於舊有鄂博之塔爾郭達固。向北草地上。設第五十八鄂博。舊有卡倫之查罕烏魯向北。貼近沙羅鄂拉嶺。設第五十九鄂博。舊有鄂博之塔奔托羅海向北。貼近博羅托羅海嶺。設第六十鄂博。舊有卡倫鄂博之麥克圖向北。附近嶺上。設第六十一鄂博。舊有鄂博之額爾庫里托羅海向北。附近之最高處。設第六十二鄂博。額爾古訥河之右岸。正對海拉爾河之中。在阿巴哈依圖嶺之凸出處。設六十三鄂博。此即人爲界綫。屬於呼倫貝爾正西稍北者也。今查塔爾郭達固。即塔爾巴幹達呼山。在倫城西北四百五十餘里。高四十餘丈。孤峰特出。石均黑色。上有鄂博二。爲倫城西北國之起點。山。下地勢漸窪。其西南即喀爾喀界。南距五里許。有界牌。中書滿蒙文字。係倫境與喀爾喀分界處。聞此界牌十年一換。光緒三十二年。經總管軍和札。會查換立。所書之字。即某人於某年月日會查所。其北即俄境。拜嘎省界。惟查舊界約云。於舊有鄂博之塔

爾郭達固向北草地上設第五十八鄂博。今在草地上之鄂博。無從查考。即暫以此山頂

之舊有鄂博爲界。擬在此添設卡倫一處。由此東行五里。俄界內有水泡名下巴爾。按蒙語下

巴爾。縱橫約一方里。旁有俄屬布拉牙特人游牧之牛羊羣。布拉牙特與外蒙古及倫

屬之新巴爾虎族人。同種。自明代已隸俄國。再東十餘里。即俄鐵路沙爾松車站。站

西里許有俄村一。約十餘戶。東南二十餘里。即查罕烏魯。又名查罕敖拉。按蒙語查罕白也。敖拉山也。

在倫城西北四百餘里。高八十餘丈。北距塔爾巴幹達呼山約五十里。東距鐵路六里

許。南距東清鐵路首站之滿洲里七八十里。查罕敖拉新設卡倫。在該山之陽。相距約三

四十里。爲滿洲以北最大之山。相連數峰。山石層疊。其北高山頂上。舊有鄂博二。北距三

百八十步。微低山頂上。有新立鄂博二。因舊鄂博之平石上。題字數行。文曰。呼倫貝爾副

都統宋派委員某於某年月日勘界至此。東南距五里許。極高山頂有俄人所立之木架。

然舊約則云。於舊有。倫鄂博之查罕烏魯向北。貼近沙羅鄂拉嶺。設第五十九鄂博。

今則沙羅鄂拉嶺鄂博無從查考。復由此東南行二十餘里。即成鐵路馬七也。夫斯基

車站站南三里許。鐵路旁有俄人所立之木標。上釘雙頭鳥鐵牌。中書俄文。爲鐵路入中國之起點。蓋此站在中俄交界之區。東清鐵路與西伯利亞鐵路。應在此處聯接。乃兩鐵路汽車來往交換處。則不在於此。而在南去四十里中國界內之滿洲里站。站北十餘里有東西邊壕一道甚長。即舊地圖所註之金源邊堡。詢之土人。謂爲金太祖所築。再由此過鐵路東二十餘里。即塔奔托羅海。按蒙語塔奔五也。托羅山也。在倫城西北三百六十餘里。西北距查罕烏魯約四十餘里。此山並列五峰。中峰漸高。多石。附近西北微高山頭。有分界鄂博二。近南種高山頭。有俄人所立之木架。東南十數里。即舊鄂博。山中有鄂博二。山不甚高。多石。迤西南里許。即滿洲里車站界壕。再東三十餘里。越數峰。即索克圖。又名蘇克特依。在倫城西北三百五十餘里。山勢頗高。周圍皆山嶺環抱。近北微低山頭。有鄂博二。爲分界處。山之陰有小樺樹若干株。山南有小泉二。泉水甚王。此處舊有卡倫。刻已作廢。由此而東。皆山嶺相連。東距二十餘里。即額爾庫里托羅海。又名額爾德尼托羅海。按蒙語額爾庫里山也。以山石多緣。色故行。在倫城西北三百三四十里。山不甚高。中有鄂博二。爲分界處。再由此東南行。

三十餘里。即阿巴哈依圖。又名阿巴該圖。在倫城西北三百一二十里。山不甚高。與西北邊界各山。皆山脉相連。分界鄂博。在山頂之中。近東南。額爾古訥河南岸。微高山頂。有俄人所立之鄂博。上立十字架。偏東有小亭一。北距四五里。即俄屯。阿巴該圖。南與我界新設卡倫。相距十餘里。由塔爾巴幹達呼山至此。共一百八十餘里。所立鄂博各山。共計有六。其無鄂博之空地。即以各鄂博相對之直線約計。由阿巴哈依圖折而東北。則以額爾古訥河爲中俄國界。河之東岸爲我屬。河之西岸爲俄屬。但額爾古訥河之上游。即海拉爾河。海拉爾河。由東南來注。流至此。分而爲二。一沿東岸流。一沿西岸流。下游至十餘里。又合而爲一。中間淤爲一洲。長約十餘里。寬三里許。羊草豐茂。其西岸之水。較東岸之水。約寬二丈。俄人欲侵佔河洲之卑。遂指沿東岸者爲正流。沿西岸者爲支流。光緒三十四年秋間。因刈羊草。曾相爭執。至今尙水確定。額爾古訥河由此折而東北流。四十餘里。傍我岸有一水泊。名薩布特諾爾。再東北流五十餘里。有新設防邊之孟克西里卡倫。對岸俄屯。名開拉綠台。再北流九十里。右岸即新設防邊之額爾德尼托羅輝卡倫。對岸俄屯。

名都塔以。再北流八十里右岸。即新設防邊庫克冬博總下倫對岸俄屯。名四大列矣粗
大海。再北流五十里右岸。即新設防邊巴爾利頓卡倫對岸俄屯。名那維矣植魯
海圖。再北流五十餘里右岸。即新設防邊之巴羅斯都郎固溫都爾下倫對岸俄屯。名卓
爾果里。再北流五十餘里右岸。即新設防邊之胡奇爾奇卡倫對岸俄屯。名布拉。再東
北流五十餘里右岸。即新設防邊之巴彥烏克卡倫對岸俄屯。名伯爾今斯克。再北流六
十里右岸。即作廢之西伯力春特亞卡倫對岸俄屯。名別勒布得雷。再北流二十里。即新
設防邊之珠爾特依卡倫對岸俄屯。名沙羅布新斯克。再北流八十里。即新設之吉拉林
設治局。西南對岸俄屯。名臥牛說。再北對岸俄屯。名寂塔氣。再北流五十里右岸。即新設
防邊之莫里勒克卡倫對岸俄屯。名一勺嗎。再北流八十里右岸。即新設防邊之畢拉
爾河卡倫對岸俄屯。名畢拉。再北流七十餘里。即新設防邊之牛爾河卡倫對岸俄屯。名
瑪林巴西洛夫。再北流七十餘里右岸。即新設防邊之球爾干河總卡倫對岸俄屯。名烏
奚洛甫。再北流十餘里右岸。即新設防邊之福河卡倫對岸俄屯。名葛其雅。再北流九十

餘里右岸。至擬設防邊卡倫之長倫。距對岸俄屯魯界約三十里。再北流一百五十里右岸。即新設防邊之伊沙河卡倫。對岸俄屯。名高留賓。再東北流九十餘里。至擬設防邊卡倫之奇雅河口。對岸俄屯。名高留賓。再東北流二百里右岸。即新設防邊之永安卡倫。對岸俄屯。名一谷六其。再東北流八十餘里。至額爾古訥河口右岸。即新設防邊之額勒和哈達卡倫。對岸俄屯。名高留賓。再東北流一百餘里。有界碑。今已無存。自塔爾巴幹達呼山。東南至阿巴該圖折而東北。至德博克湖河口。延長一千五百餘里。開國至今。二百餘年。不但屬於天然者。尺寸未失。即屬於人為者。其山嶺鄂博。亦尚能循名而責實。惟沿邊俄民。往往有越界之事。康熙二十八年。五達布楚所定條約第二條有云。將額爾古訥河南岸。眉勒爾喀河口。即今之德博克湖所有俄界房屋。遷移北岸。自後歷將房屋遷移。而我界尚無居民。越界之俄人。仍多。乾隆二十五年。自塔爾巴幹達呼山。至布魯河。設立卡倫十一。名曰登保。即今之德博克湖後卡倫。自後歷將俄人越界。光緒十年。因防俄人越界挖金。復由布魯河以北。至額爾古訥河口。設立卡倫。自後歷將俄人越界之患。乃因之而稍息。庚子之變。俄人乘釁而起。驅逐我華

人焚毀我卡倫。盤踞我金礦。安設水磨。墾種荒地。河中之魚山中之草木鳥獸。均一任其取携。三十二年。經前任蘇副都統。復設卡倫十一處。僅山查罕敖拉。至珠爾特依。以蒙人坐守。彼時經前巡撫程公。將吉拉林金廠收回。三十三年。復報稱俄人在吉拉林南北一帶越墾居住。經蘇副都統。派蒙員前往驅逐。根株仍未淨盡。是年冬。宋副都統權鎮斯土。越明年春。咨請省署。變通沿邊卡倫。坐卡蒙兵。一律撤換。招募農民爲卡兵。興辦屯墾。以實邊境。復訂立俄人越界刈草伐木納稅章程。其越界安設水磨。墾地挖金。一律禁止。沿邊之主權利權。逐漸收回。溯查俄人越界之故。一原於彼界山童土瘠。牧養牲畜。需用材木。非仰給於我界。實無以爲生。一原於我界之草木豐茂。物產富饒。向爲彼族所豔羨。一原於我界空虛。如入無人之境。一原於蒙人愚弱。以小利餌之。即任彼所欲爲。有此數因。積久遂成爲相沿之習慣。加以庚子亂後。我沿邊一帶之地。彼直視爲已有。今令其照章納稅。實亦非彼所情願。然猶不得不從者。誠恐我一律封禁耳。設使不令其納稅。亦不准其越界。彼實有性命之憂。不惟力之所不能。且亦勢之所不必。當此世界大同。各國均有

交通之便。其優勝劣敗之比例。不在乎邊禁之寬嚴。專在乎邊備之疏密。與實業之興廢。我誠能完整邊備。振興實業。對於內可爲一極大之殖民地。對於外可爲一最近之交易場。國界既不至內蹙。主權人不使外溢。於當今時勢。庶幾得之。

謹按陸路邊界。雖各設鄂博。然年久失修。且新舊參錯。恐多疑誤。水路雖有河流。而港汊歧出。中間淤洲。屬此屬彼。往往爭執。易生界務交涉。亟應咨明外務部。照會俄使。兩國派員會同照約查明。陸路重立界碑。水路立案聲明。以垂久遠。而免膠轕。

第二河流一 額爾古訥河之源委廣遠及港汊

額爾古訥河之上游。在倫城西北三百二十里。逼近阿巴該圖山西。即海拉爾河下游。海拉爾河由東南來注。至此遂分二派。一支流於阿巴該圖山南。向西南流。爲達蘭鄂洛木河流。至六十餘里。入呼倫池而止。其正流則由阿巴該圖山南。向東北流。即爲額爾古訥河。水道曲折。一十七百五十餘里。至額勒和哈達卡倫西北。流入黑龍江。唐書稱爲室韃河。南北朝時。稱爲完水。元史名也里古訥河。又名也兒古訥河。秘史謂之額而古訥河。然唐書謂室韃河源。出呼倫池。會典及水道提綱。則均稱額爾古訥河上源。爲克魯倫河。今查克魯倫河。匯鄂爾遜河。流入呼倫池。即滯而不流。達蘭鄂洛木河。由海拉爾河入呼倫池。亦滯而不流。彼以額爾古訥河源出呼倫池。克魯倫河爲額爾古訥河上源者。蓋未見達蘭鄂洛木河水流之方向。謂達蘭鄂洛木河非由海拉爾河流入呼倫池。係由呼倫池流入額爾古訥河也。豈不誤歟。其所以與海拉爾河同源異名者。緣河流至此。作大轉折。形如人曲腰以手遞物。額爾古訥。蒙古語謂以手遞物也。故名。由額爾古訥河上游北

流三百七十餘里。至庫克多博。水勢尙不甚大。曲折甚多。水流亦緩。寬不及十丈。深處亦僅及丈。由庫克多博。再東北流三十餘里。有根河自東南來注。水勢漸大。然寬處僅十丈餘。水深尙不及二丈。由此再東北流。四百九十餘里。有牛爾河一名貝子河自東南來注。兩岸皆山嶺夾峙。又地勢高下迴殊。河水驟大而急。寬處約十五丈。深處約三丈餘。舟行至此。無論上下。均極險難。由此而下。兼匯衆河之水。奔流浩蕩。貫入黑龍江。直有一日千里之勢。其港汊則海拉爾河。轉爲額爾古納河之處。分爲二汊。中隔一洲。一沿東岸流。一沿西岸流。北流三十餘里。復合爲一。河洲之地。長約二十餘里。寬十里許。再北流四十里。右岸有水泊一。名薩布特諾爾。縱橫約一方里。再北流六十里。至孟克錫里卡倫。東南三里許。有二水泊相連。縱橫約二方里。水含鹼質。卡倫之北。我岸有一河。北流六十餘里。復合而爲一。此汊之水。時深時淺。間有間無。其寬處有與正河等者。淺處有與地平者。俄人謂此爲老河故道。想亦意度之詞。非查明劃分。終多謬誤。再北流四十里。至阿魯哈當蘇山。東近右岸有一水泊。名洪吐諾爾。再北流五十餘里。額爾得尼托羅輝卡倫北岸。有一河。

汊寬僅丈餘。再北八十里。庫克多博卡房北。近右岸有相連水泊三處。再北流二十五里。巴圖爾額爾卡倫南。有二水泊。再北流二十五里。至俄屯挪維奈粗魯海圖對岸。我界有一河汊。寬約二丈餘。北流五里許。復合而爲一。再東北流五十里。巴羅斯胡郎圖溫都爾卡倫北。近俄岸有一河汊。北流二里許。復合而爲一。再東北流七十餘里。巴彥魯克卡倫北。近俄岸有一河汊。北流三里許。復合而爲一。再北流六十里。珠爾特依卡倫南。相連有河洲三洲中之地。均不甚寬。近卡房東逼俄岸。復有一河汊。西。北流二里許。復合而爲一。再東北流三十里。我岸有一水泊。縱橫約一方里。新命名曲水泡。再東北流一百一十餘里。眉勒爾喀河入額爾古訥河之水。分二汊。莫里勒克卡倫。即在河洲之中。北逼俄岸。相連復有二小河洲。再東北流一百五十餘里。俄屯魚立牙之南。逼俄岸有一河汊。北流二里許。復合而爲一。河洲之坳。柳叢甚茂。再東北流一百一十餘里。當珠爾干河入額爾古訥河之北。相連有河洲三洲中之地。柳叢甚茂。再北流五十餘里。當庫魯干河入額爾古訥河之處。相連有河洲四洲中之地。均不甚寬。由此而下。則兩岸之山。相距甚狹。水勢甚

大。雖間有河洲。皆水漲則沒。水落則出。至入黑龍江處。復分二汊。一東北流。十里許入黑龍江。一西北流。五里許入黑龍江。河洲之地。亦有柳叢。

譚按河中港汊洲渚。屬中屬俄。尙無明文。往往各執一說。易生交涉。應由兩國派員會同查明。以河水較大能航行者爲額爾古訥河正流。繪圖立案。永遠爲據。免生界務膠葛。


河流二 額爾古訥河右岸之支河及名稱

額爾古訥河。由阿巴該圖北流。至庫克多博。三百餘里。右岸並無支河。由庫克多博東北流三十餘里。始有根河。發源於伊克呼里阿林。西北流四百五十餘里。入額爾古訥河。根河亦名旱河。元史謂之鑿河。秘史謂之刊木連河。元初合答斤等十一部。立札木合爲局兒罕於此。水寬十丈。深一丈五尺。距河口三十餘里。有新立官渡。渡船二隻。此渡口爲華俄商旅必由之路。俄人販運烟酒。避彼國禁。今皆由此潛越。華人販運烟酒。並入金廠作工者。亦必由此渡河。統計華俄來往各車。日有十數輛。爲沿邊扼要之區。再北流二十餘

里巴圖爾和碩卡倫南。有特勒布爾河。發源於內興安嶺之西。匯喀布勒河。諾勒霍諾河。曲折西流。二百九十餘里。入額爾古訥河。水深二尺。寬四丈。再東北流九十餘里。近巴羅斯胡鄧圖溫都爾卡倫南。有一小河。寬五尺。箭。自東南山內流。入額爾古訥河。再東北至胡裕爾和奇卡倫南。有胡裕爾和奇河。自東南來注。水不甚寬。再北至巴彥魯克卡倫南。有珠魯克圖河。近北復有約羅奎河。皆自東南來注。河水均不甚寬。再北六十餘里。近西伯力布拉克卡倫北。有小河。自東南來注。再北至珠爾特依卡倫南。有珠爾特依河。自東南山內來注。寬五尺。深半尺。珠爾特依卡倫北。即布魯河。自東南來注。寬不盈二丈。再北鐵現山南。有色木特勒克河。自東南來注。寬五尺。深一尺餘。再東北至吉拉林。有哈拉爾河。即古拉源出內興安嶺北麓。曲折西北流。一百九十餘里。入額爾古訥河。水寬一丈。深一二尺。再北至平泉子南。相連有三小河。河水均不甚寬。來脈亦促。自東南山內來注。再北至莫里勒克卡倫南。有小河。俄人名爲都一次。其北即眉勒爾喀河。俄人名爲木尺干。源出內興安嶺北麓。曲折西北流。一百九十餘里。遂分二汊。一正西流。一西南流。皆入額

爾古訥河。舊下倫房即在河洲之中。水寬約五丈。深二尺餘。再北至俄屯阿拉公斯克對岸。有二小河自東南來注。其北即遜河水。勢甚小。再北復有小河。俄人名爲繞爾納過夫克。再北有額爾齊木河。畢拉爾河。畢拉克產河。古爾布奇河。均自東南山內來注。水勢甚小。來脉亦促。再北有吉林子河。寬五丈。深二尺。自東南山內來注。對岸即俄屯之繞登科。再北有阿木噠河。俗名安皮戶河。寬二丈。深一尺。自東南山內來注。對岸即俄屯之魚立牙。再東北即牛爾河。俗名只子河。南距牛爾河卡倫十二里。發源於內興安嶺之西北麓。曲折西北流。五百餘里。入額爾古訥河。寬八丈。深處約一丈五尺。河水清澈。與額爾古訥河匯流十餘里。猶清濁分明。再北有小河名阿巴河。阿巴河之北。復有二小河。皆自東南來注。再北即珠爾干河。新設總卡倫於此。河寬二丈。深一尺。自東南來注。對岸即俄屯五西羅甫。再北至孫元寶店。相近有四小河。自東南來注。稍大者名庫魯干河。再北至溫河卡倫。有小河七。均自東南來注。逼近卡倫之北。即溫河。寬四丈。深一尺餘。發源於內興安嶺西北麓。曲折西北流。二百一十餘里。至卡倫北里許。入額爾古訥河。再西北二十里。有烏瑪

河發源於內興安嶺西北麓。曲折西南流二百餘里。入額爾古訥河。再西北有大吉嘎達河。小吉嘎達河。札克達奇河。再東北復有小河八均。自東南來注。再北至伊穆卡倫。有伊穆河。發源於內興安嶺西麓。曲折西北流二百八十餘里。經卡倫北入額爾古訥河。寬二丈。深一尺。再折東北至額爾古訥河口。復有二十餘小河。其有名者曰畢拉雅河。曰托羅爾河。曰奇雅河。曰奇乾河。奇乾河發源於內興安嶺西北麓。曲折西北流一百五十餘里。入額爾古訥河。水寬二丈。深一尺。曰墨河。曰博羅舒斯洛甫喀河。博羅舒斯洛甫喀河發源於內興安嶺西北麓。曲折西北流二百八十餘里。經額勒和哈達卡倫之北。入額爾古訥河。河寬十丈。深五尺。再北即黑龍江矣。



第三山脉 額爾古訥河右岸各山及大小形勢

額爾古訥河兩岸。上游則邱陵起伏。下游則山石崢嶸。其在我岸之山。皆以內興安嶺爲正幹。東北與布特哈墨爾根愛琿各界。亦即以此山脊而分。由凱河凱河在倫城正東百餘里發源之處。土人始以內興安嶺呼之。西與額爾古訥河源。遙遙相對。興安嶺西所出諸水。皆會札敦河。以入於海拉爾河。再北起頂曰綽羅爾山。在倫城東三百五十餘里。高一百五十餘丈。長四十餘里。西分一支。行一百五十餘里。至胡裕爾和奇河發源處。再西直臨札敦河東岸。正幹仍北行六十餘里。起頂曰吉勒奇克山。在倫城東三百八十餘里。高一百一十餘丈。長一百三十餘里。西麓爲海拉爾河發源處。再北行七十餘里。至哲爾古勒依河源。又名珠爾特依起頂者曰雅克嶺。在倫城東北四百七十餘里。高一百一十餘丈。長一百六十餘里。正幹仍北行一百三十餘里。峯巒突起。羣山排列者曰依克呼里山。在倫城東北八百九十餘里。高二百二十餘丈。長二百八十餘里。爲興安嶺起頂最高之處。山西之水。流入額爾古訥河。正幹稍西仍北行。至舊布魯卡倫。再轉而東行一百一十餘里。至伊穆

河發源處再北行六十餘里至奇乾河發源處則亂峯雜沓森林茂密直達於額爾古訥

河口按此數山爲內興安嶺幹脉額爾古訥河襟帶於其西黑龍江橫貫於其南儼擅天

險之勢其逼近額爾古訥河右岸各山皆其餘脉也當海拉爾河轉爲額爾古訥河處在

左岸者曰阿巴該圖山迤西曰額爾德尼托羅海山曰蘇克特依山一名素克台山曰塔

奔托羅海山曰察罕敖拉山曰塔爾巴幹達呼山皆沿西北國界者也又名素克崗山在右岸者曰室韋

格特山又名室韋迤西相連數峰曰達罕德勒山迤北曰海拉圖山曰哈拉呼蘇山蒙古語

也公特嶺在額爾德尼托羅輝卡倫以北者曰額爾德尼托羅輝山迤東曰三多奈山曰霍克溫

都爾嶺曰巴德爾山以上諸山皆土山帶石相連如波濤之起伏無高峰峻嶺再北當庫

克多博總卡倫以東沿根河南岸者曰龍頭嘴山曰慶吉勒山曰奇雅爾班山其高處陡

起三峰國語曰依蘭哈達高一百一十丈長二十餘里迤西曰尼克圖魯山曰溫都爾肯

蒙古語沿根河北岸者曰庫里葉爾山又名苦迤西曰那敏山曰那魯特台山曰綽博克

托山附近巴圖爾和碩卡倫以東者爲新命名之小泉山因山下有泉故名高四十餘丈長二十

餘里再北突起一峰。當巴雅斯胡圖溫都爾卡倫東北者。曰巴雅斯胡圖溫都爾山。

蒙古語去皮 高八十餘丈。長十里許。再北當巴彥魯克下倫東。曰巴彥珠魯克山。巴彥蒙古語富也珠

魯克數之六也 附近卡倫正北。孤山墳起者。曰等級台山。再北沿色木特勒克河北岸。石多黑紫


色者。爲新命名之鐵現山。因石含鐵質故名 由吉拉林而下。以至於額爾古訥河口。沿岸皆懸崖

絕壁。不可躋攀。當齊乾河之北。衆山環抱。有一孤山。特出於羣峰之外者。爲新命名之永

安山。西北即永安卡倫。再北沿岸有石色如赤霞者。爲新命名之紅土崖。再北沿岸有壁

立千仞者。曰金剛峰。再北有怪石踞踞於河岸者。曰臥虎石。當額爾古訥河口。數嶺相連。

嶺上平坦者。曰渾特山。由渾特山而東。即爲黑龍江南岸矣。



第四地質 額爾古訥河右岸平原大小及肥瘠並種植所宜

額爾古訥河右岸。十餘里山嶺綿亘。間有平地。或在河灣。或在山曲。或在坡陀。非陸地所可比。由塔爾巴幹達呼山。至阿巴該圖山。陸路共一百八十餘里。沿邊均係山嶺。雖間有平地。沙石相雜。不堪耕種者。十居八九。惟阿巴該圖近臨河岸。土脈甚腴。由阿巴該圖山。渡河至額爾古訥河右岸之庫克多博總卡倫。沿岸均有平地。長共三百餘里。寬或三十里。或二十里。十里五里不等。逼近河岸者。土雖黑壤。然低下受水。僅宜羊草。爲極善之游牧場。近山麓者。則係高原。厥上黃沙。草短不茂。不堪耕種。至庫克多博以東。沿根河左岸。長三百餘里。寬百里。或五十里。營原沃壤。厥上黑壤。微帶沙性。水旱無虞。爲極善之殖民地。附近庫克多博總卡倫以東。有前經俄人越攀之田三十餘畝。今雖荒蕪。然驗其麥根之肥壯。則其地之濃厚可知。再北行三十里。至巴圖爾和碩卡倫。沿岸有平地一區。縱橫約二方里。草不甚茂。土質中下。由此東行二十餘里。越數嶺。至新命名之小泉山溝中。寬約一里。長百餘里。土質肥美。溝東南有俄人前墾之田。約千餘畝。再北三十里。沿

岸有平地一區。土質肥美。長十餘里。寬二里許。對岸即俄屯挪羅矣。粗魯海圖。再北五十里。至巴雅斯胡圖溫都爾卡倫。沿岸有平地一區。中有沙石。草不甚茂。再距此十餘里。東南山溝內。有新命名之黃花嶺。土質肥美。花草暢茂。面積約百餘里。此嶺與小泉山溝相連。約距二十餘里。再北至胡裕爾和奇卡倫。沿岸地勢平坦。土質肥美。草甚豐茂。長十餘里。寬二里許。再北至巴彥魯克卡倫。沿岸皆漫岡。岡上之地。平坦肥美。惟近卡之地。土不甚厚。中有沙石。再北至西伯力布拉克廢卡倫。近卡之地。土薄草枯。不堪耕種。再北至珠爾特依卡倫。沿岸皆漫岡。土厚色黑。草亦豐茂。近卡之地。寬闊平坦。長十五里。寬五里。皆膏腴土地。再北至新命名前水池。沿岸皆漫岡。土質肥美。從前半爲俄人所竊墾。今已荒蕪。周圍原立木柵。以阻牛馬蹂躪者。尙在近池之地。則皆下隴。土厚草茂。長四里。寬一里。再北至鐵現山。山內之地。土厚草茂。縱橫約百餘里。再北至吉拉林河口。沿岸之地。平坦肥美。長十里。寬二里。再東南距河口三十里。至吉拉林溝中。土地肥美。長四十餘里。寬二十餘里。前多俄人竊墾。今已荒蕪。周圍木柵尙在。再北至新命名平泉子。沿岸土地肥


美。縱橫約四方里。中有俄人從前墾墾之田。再北行八里。沿岸有平地一區。內有小房三處。爲前俄人越界墾種時所築。對岸即俄屯之盧溝。再北至莫里勒克卡倫。沿岸之地。平坦肥美。長六里。寬二里。迤東山坡內。復多沃壤。從前半爲俄人所墾墾。再北行二十里。沿岸有平地一區。土質肥美。縱橫約六方里。對岸即俄屯阿拉公斯克。再北行二十四里。沿岸有平地一區。縱橫約六方里。土質肥美。聞此處向有卡房一間。今但有房基可考。並無名稱。房南有小水溝長十里。俄人名纏爾納過夫克。中產羊草甚茂。地極肥美。對岸即俄屯西連普。再北行四十里。至畢拉爾河卡倫。沿岸有平地一小區。縱橫約一方里。土質肥美。再北行四十里。至吉林子河口。迤東土嶺上。平坦肥美。可以耕種。縱橫約八方里。再北行二十里。至阿木毗河口。沿岸有平地一區。土質肥美。縱橫約六方里。迤東土岡上。地亦平坦肥美。寬四里。長十餘里。中有俄人從前已墾之田二區。再北二十四里。沿岸有平地一區。土厚草茂。縱橫約二方里。聞此向有廢卡倫房。今已無存。舊圖所謂廢卡倫房。疑即在此。對岸即俄屯之瑪林巴西羅甫。再北牛爾河口。左右有平地兩區。縱橫約四方里。內

有俄人從前墾種之田。周圍木柵尚在。詢聞此河上游平甸頗多。且皆肥美。再北八里。即新命名河甸子。土厚草茂。縱橫約二方里。再北十里。沿岸有平地一區。長二里。寬五十丈。再北十五里。沿岸有平地一區。松樺成林。縱橫五方里。再北二十三里。至珠爾干河總卡倫。沿岸平坦肥美。長約十里。寬二里。土厚草茂。墾種牧畜。均無不宜。再北六里。沿岸有坡地一區。縱橫約二方里。土質肥美。內有俄人從前已墾之田數十垧。再北四十里。至孫元寶店。沿岸有平地一區。縱橫約四方里。再北十八里。至新命名之松甸。長約二里。寬半里。土地肥美。松林茂密。再北四里。沿岸山溝內有平地一區。土厚草茂。長約三十餘里。寬一里。再北行四里。至新命名之孤松河。沿河口南有土岡。平坦肥美。長約三十餘里。再北六里。沿岸有平地一區。縱橫六方里。再北行四里。至溫河卡倫。沿溫河左右岸之地。皆可墾種。但不甚寬闊。再北行八里。沿岸有平地一小區。縱橫約一方里。再北行十里。至烏瑪河口。北岸有平地一區。長約十數里。寬一二里不等。草甚茂。再北六十里。沿岸有平地一小區。縱橫約半方里。再北十八里。至新命名之長甸。寬三里。長五里。土厚草茂。近甸土岡。

亦平坦肥美。再北行四十二里。至伊穆河卡倫。沿岸之地平坦肥美。長十里。寬五里。再北十五里。沿岸有平地一小區。縱橫約半方里。再北三十里。至新命名之樺甸。此甸樺樹最多。雜以松樹。茂密可蔽天日。縱橫約四方里。再北行十里。沿岸有平地一區。縱橫約三方里。再北八里。沿岸有坡地一區。延長約五里。再北行九里。沿岸有平地一區。土厚草茂。縱橫約四方里。再北行三十里。至穆赤堪河。土人名爲奇各雅沿岸有平地一區。土厚草茂。縱橫約四方里。再北十餘里。至奇雅克河口。沿岸有坡地一區。縱橫約二方里。再北二十餘里。沿岸有平地一區。松林茂密。縱橫約一方里。再北十餘里。沿岸有坡地一小區。縱橫約半方里。再北八里。至新命名之上方甸。寬二里。長四里。土地肥美。草木茂盛。再北十二里。至新命名之中方甸。長五里。寬二里。平坦肥美。草木茂盛。再北六里。沿岸至新命名之下方甸。土質肥美。縱橫約四方里。再北六里。至新命名之永安卡倫。近卡之地。平坦肥美。寬五里。長六里。羊草甚茂。再北十五里。沿岸有平地一區。縱橫約一方里。再北行六里。沿岸有平地一區。寬半里。長二里。再北十四里。沿岸有平地一區。寬半里。長一里。內有木寮房一間。無

人居住。因命名曰一間房。再北行十里。沿岸有平地一區。縱橫約三方里。再北十四里。沿岸有平地一區。長二里。寬半里。再北行五里。即至額爾古訥河口。之額勒和哈達卡倫。近卡之地。平坦肥美。寬五里。長十里。內有俄人從前墾種之田。今已荒蕪。僅有華人菜園數畝。考額爾古訥河右岸。自根河以下。雖平地無多。然有則皆可墾種。且沿岸山中。復多可墾之地。因山嶺崎嶇。松樺叢雜。爲時過促。未能徧履查勘。至種植所宜。蒙人向不知稼穡種類。無從考驗。第查俄人越墾之田。則以麥爲大宗。鈴鏘麥最居多數。緣鈴鏘麥收穫最易且豐。專以飼養牲畜。銷售甚廣。陸路可運至聶爾沁斯克。札窩答。及滿洲里海拉爾等處。水路則由額爾古訥河黑龍江。可運至黑河愛琿等處。其次則小麥蕎麥。其他穀類。尙無種者。蓋天寒難收故也。俄人所種之田。並無隴畔。惟於初夏時。以犁翻土。即將麥種散播於田中。不用肥料。亦不耨耪。直待秋成時收穫。則沿邊土地之肥美。與彼族農學之無進步。均可概見。沿邊雖云天寒。然如百二十日可熟之穀。則尙相宜。粟蜀黍稷三種。試種之。或可收成。菜蔬則有白菜。大頭白菜。葱蒜。韭菜。黃瓜。馬鈴薯。芹。菜。雲豆等。凡此皆沿邊居

民並俄屯今所種植者也。



第五氣候 額爾古訥河右岸寒暖度數

額爾古訥河口在京師偏東五度有奇北緯五十三度三十分有奇南距熱帶四十度有奇北距寒帶僅十七度有奇加以興安嶺橫亘南北深山幽谷不啻雪窖冰天寒度較京師實增數倍至三月間猶冰雪堅凝且多烈風居此者仍著皮衣四月草始萌芽間復降雪去年四月初旬忽降大雪厚至三四尺各蒙旗牲畜多爲凍斃五月間始如京師暮春天氣至六月則驟然溽暑當午炎熱與京師無異蚊蠅蚋人畜苦之惟朝暮則涼如深秋一日之間氣候不齊故邊地居民雖三伏亦備綿衣山陰之地掘至五尺餘即凍陰嶺冰雪有經年不化者七月則涼風襲人漸見早霜八月則草木黃落甚至降雪九月即見大雪水結薄冰十月河水已堅暢行無阻自是以往雖晴日往往霏雪窗冰凝結終日不消室內須置洋式大火爐滿燃木柴方可禦寒出則寒風割面鬚眉皆冰行路者身衣重裘且有皮帽手套皮襪等物仍難恃以無恐去年二月有朱某者隨設治委員前往吉拉林途次受凍將腳指爛斷聞去冬卡兵復有將足凍損者墮指裂膚之苦古人言之今日

見之矣。夏至晝極長。日出寅初三刻十三分五十四秒。日入戌正初刻一分六秒。晝長六十四刻二分。夜長三十一刻十二分四十八秒。冬至夜極短。日出辰正初刻一分六秒。日入申初三刻十三分五十四秒。晝長三十一刻十二分四十八秒。夜長六十四刻二分十二秒。昔人有云。漠北之野。夏至前後。日入。羴羊。胛未熟。即天曙。唐書載薛延陀地。夜不甚暗。猶可博奕。今六月間調查沿邊之時。雖子夜無燈。尙能辨字。足證前言非妄。但初曉時。則滿河烟霧。相距丈餘。即不能視物。日出後始烟消霧散。天晴則然。天陰則否。謹按沿邊氣候雖寒。然自四月至七月。則草木暢茂。發育甚速。俄人耕種二麥皆可收穫。於農事固無妨也。

第六物產 額爾古納河右岸山中鳥獸及皮革

額爾古納河右岸。山谿深濠。豐草長林綿亘千里。其物產之裕。鳥則有鷓鴣。鷓鴣土鶴水

鴨。水鴨產額爾古納河。食魚千百為鵬。龍色似雌雉而極小。每隻可半斤。重兩翼下及腹毛有大白點。兩股有毛。羣味美。可食。俄人常用槍擊取之。飛龍。色似雌雉而極小。每隻可半斤。重兩翼下及腹毛有大白點。兩股有毛。羣味美。可食。俄人常用槍擊取之。

沙雞。其形與飛龍略等。全雞其實樹雞另一種也。沙雞。其形與飛龍略等。全雞其實樹雞另一種也。

雀山鴿。山雀等。其他鳥類尚多。因不常見。無從詳查。獸則有虎。熊。豹。狼。獾。堪達爾。獐。獐

似鹿而大角。馬鹿。茸甚大。部倫春。獵得。售與俄人。轉售。華商。價甚昂。獐。狍。野豬。黃羊。黃羊產於額爾古納河上游草地內。紫貂產於鄂倫春山中。狐狸。分草

種。二。獐。狗。灰。鼠。產於各山林中。水獺。產於牛。旱獺。產於土。嶺。草地。內。穿。穴。而。居。存。暖。草。生。始。出。穴。覓。食。至。秋。末。則。閉。穴。深。藏。蟄。蟲。類。也。白兔。毛。潔。白。細。長。而。豐。厚。惟。革。太。薄。脆。不。適。於。用。土。人。呼。為。天。馬。非。也。等。其皮革。則以邊地天寒。絨毛豐厚。貂皮毛紫黑色。多白銀。較之。赫哲。所產

者尤佳。惟價值甚昂。每張值俄盧一百五十元至二百元。每年皆由俄商收買。華商向無

販運者。捕貂之人。亦惟鄂倫春一種。所得之貂。售與俄屯烏溪羅。普者。每年約三四百張。

賣與博格羅夫者。每年約三百餘張。狍狸皮毛亦佳。惟色稍遜。每張值俄盧十五元至二

十元。灰鼠毛黑紫色。勝於他處所產者。京都所稱索倫灰者。即此。每張值俄盧三百文。至

二十

四百文狼皮。每張值俄盧二元至三元。旱獺出數最夥。俄人多用以製皮帽皮斗篷等件。每張值俄盧一二百文。其他皮革價值。並每年所得若干。無從查考。獸類復有山中鄂倫春所使者。彼名曰沃利恩。即鄂倫春之轉音俗名四不像子。角有數歧似鹿。蹄分兩瓣似牛。身長色灰似驢。其頭則似鹿非鹿。似牛非牛。寬額而長喙。毛甚豐。能負重百餘觔。鄂倫春人訓畜之用。時以木擊樹。聞聲即來。飼以苔。用畢則縱之使去。即游行山中。附此以備博物家參考云。

物產二 額爾古訥河及右岸支河產魚種類並如何捕取

額爾古訥河魚類甚多。右岸之根河牛爾河博洛舒斯洛甫喀河魚類尤夥。其著名者。則


有漸魯即鱒魚。連子魚。細鱗魚。白魚。鯉魚。黃魚。

黃魚產於牛爾河。大者種四五十斤。

鮎魚。拉鮎。

拉鮎身長似蝦。二甲六足。似蟹。

蒙人尙不知捕取。加以沿邊地廣人稀。銷售甚難。漁業遂無人講求。惟右岸俄屯。或垂釣。或設梁。梁中置柳條筐。魚從此經過。即陷於柳筐之中。額爾古訥河左右岸。並博洛舒斯。洛甫喀河均有之。或於河岸水淺之處。插立木柱。橫繫柳條筐。筐口甚小。中置魚餌。羣魚見餌即貫行入吞。人乘其不備。驟將柳條筐取出。亦間有以網捕取者。捕黃魚則用七八寸長之鐵鉤。乃能得之。



物產三 額爾古訥河右岸各項礦產及已採未採

額爾古訥河右岸各山皆產煤。其煤質極厚。礦產極爲豐富。其已開及探有苗脈者。如札賚諾何煤礦。係租還中法鐵路。司開採。其煤洞十四。編列十四號。有明洞暗洞之分。內有七號及十號十一號。尙未開挖。其餘有已作畢者。有正在開作者。於光緒二十九年。工人不戒於火。將煤燒然。連及第五號煤洞。至今火尙未熄。現在第九號及第十二號。十三號。十四號。正在開挖。作工者共二百餘名。中俄參用。晝夜分爲三班。每人工價。光錢六角。明洞出煤用人工。暗洞出煤用機器。有中國煤稅局一處。每煤千觔。收銀一錢二分。計自光緒三十四年正月。起至十二月底止。共出煤二萬萬餘觔。收銀二萬餘兩。察罕敖拉煤礦。在察罕敖拉卡倫東數里。因去年九月間。見旱獺由地內穿穴。所出土中有煤質。卡弁王凱勝。遂命卡兵探探。深至丈餘。仍係碎煤。至三丈餘。煤塊有如拳大者。然未至正。礪煤質尙鬆。嗣因水勢上湧。遂至停工。擬今春仍復開辦。云。新命名鐵現山之鐵礦。因此山之石均係黑紫色。較他山之石甚重。且山內有俄人舊燒之石灰窰。其中

有將石埭流化。成鐵質者。其爲鐵礦無疑。但惜無人開採耳。吉拉林金礦。庚子變後。遂經俄人竊採。經前巡撫程公始將金廠收回。由商人龔泰山承辦。嗣因資本告匱。遂致廢輟。光緒三十四年。派同知川補用知縣卞調元。前往試辦。設治兼辦金礦。遂通官辦。此廠在設治局西。名小西溝。距局八里。作工者約百五十人。均先挖井如井形蓋上人諱言橫五尺。縱一丈。深不等。以見金砂爲度。金砂厚薄亦不等。有半尺厚者。有二三尺厚者。亦有挖至極深不見金砂者。見砂之際。即將砂取出。或上木簍。或用水溜。將砂石淘汰淨盡。其金即沉於底。大者如豆粒。小者則目力僅能見之而已。每人每月交官金銀權一瓜力克。每瓜力克即華秤一分八釐除官金外。每人每日勻算之。其金尙可值俄盧三四元。或一二元。但其金亦必須官中收買。不准私行外賣。聞吉拉林山內。產金之處尙多。惜資本太少。未能徧探。吉林子河金礦。在吉林子河上游。名聖班。光緒二十四年前。有華人在此私淘。嗣後復有俄人接探。此金廠係在山溝之中。寬一里。長約十數里。已作之硝眼甚多。砂堆層疊。觀其形迹。似近復有人淘汰者。中有破木塚房二間。其金苗之旺否。則無從查考。阿木毗河

金礦俗名安皮戶。爲昔時已作之官金廠。溝長八十餘里。寬里許。中有木槎房四處。常有華人在此私作金者。人少力薄。皆淘汰。昔時已作之殘砂。詢聞每人日得之金。僅值俄盧二三百文。烏瑪河金礦。在烏瑪河上游。有昔時已作之官金廠。目今已廢。吉格大河上游。有昔時已作之官金廠。今已廢棄。奇乾河金礦。長四十餘里。寬約三里。遼漠河金廠管理。從前甚爲著名。聞此金廠。昔時產金甚旺。每人每日所得之金。有至十數兩之多者。刻已挖殘。通商人江姓者。包辦作工者。共七十餘人。皆淘汰。昔時已作之殘砂。並無挖磳者。除交官金之外。每人每日尙可得俄盧一元餘。可見昔日產金之旺。雖屢淘汰。亦不能淨盡也。沿邊一帶。鑛產甚饒。其已經發現者。惟煤金二鑛。而金鑛之未經發現者。尙不知凡幾。私作者。皆貧苦流民。固無力廣爲探探。商辦者。亦資本過微。每致半途而廢。官辦則從事鋪張。金鑛未開而已多賠累。否則籌款維艱。任事者恐後難銷算。不敢放手作去。此沿邊一帶之礦產。所以永未振興也。查沿邊俄界金廠。其開辦之初。皆先用礦師探苗。測其地面之上下若干。金砂厚若干。金綫寬長若干。金砂重若干。可出金若干。用工料若干。一一

預算決算。然後開辦。雖有大資本。亦所不惜。若不稱大作。則租與商人包辦。故賠累者少。其作法係將產金之處。用運土機器。吸水機器。將地面土石。全行剷去。其中但餘金砂。然後將金砂取出。上大溜淘汰之。金即沉於溜底。故其出金之時。每日有至數百十兩之多者。較中國之挖礦。實爲勝之。我國礦學尙未發明。一時無礦師可聘。然久在金廠作工者。觀山形水勢。其產金與否。亦能知其梗概。爲今之計。似宜招徠此等人。令其入山覓探。官給衣食。彼出勞力。派一精明篤實之專員。以督飭之。俟其探有金苗。驗其稱作與否。或官辦。或商辦。或但用人工。或兼用機器。用資本若干。得餘利若干。均可酌量財力而爲之。惟採苗之人。必須予以特別利益。然後可以示鼓舞而勵將來。抑或限於財力。官不督採。亦應明定採金章程。通示沿邊之人。如有能自備食糧覓探者。准其領票入山徧探。採有金苗。報官開辦。照章納稅。予以專利期限。至期限已滿。如何接辦之處。再臨時酌定。總期有礦必開。地無棄利。即可藉以招民實塞。復可資以擴充餉源。於邊務實不無裨益也。

物產四 額爾古訥河右岸樹木果品及羊草

額爾古訥河右岸山川盤亘草木豐蔚木則由巴雅斯胡圖溫都爾山中即有樺樹至吉拉林以下則松樺交加至額勒合哈達以上則松多樺少樺分黑白二種其白者皮可製油且可作筐筥等器松則有意氣松黃松土人呼爲樺子松等類意氣松其細葉似柏冬則彫落故亦名落葉松黃松則其葉如鍼其實可食冬夏不彫登高一望黛色參天森林之富誠邊境一大利源果則皆係天然木本有刺梅山杏杜李都實牙格大草本有高麗果脫盤等類味美者惟高麗果脫盤其牙格大都實二種亦稍可食枝幹均不高牙格大貼地生葉長圓而厚經冬翠色不彫都實叢生葉長圓高麗果生草間甚低覓採不易斜角寬葉脫盤紫幹斜角寬葉牙格大其實較櫻桃稍小而色赤其味酸而甘都實之實比牙格大稍大其色黑紫類山葡萄其味酸而甘俄人以此二者釀酒高麗果其實如桑葚而色紅其味甘芳脫盤色紅顆粒攢簇成果熟則脫蒂而落故名脫盤味甚甘美俄人用糖或蜜錢收藏視爲上品草則以羊草爲大宗皆產於沿邊河岸河洲山溝之內由阿巴該圖

至吉拉林所產尤饒爲俄屯牧養牲畜者所仰給惟每年所產之數無從詳查

謹按沿邊樹木羊草爲俄民所仰給歷年伐割牧畜難以數計自光緒三十四年定章收稅不准越界私取以開辦之初尙多疎漏已收俄盧一萬四五千元將來稽查日密亦邊境一大進款也

第七部落 界內山中鄂倫春及收籠方法

鄂倫春實亦索倫之別部。其族皆散處內興安嶺山中。以捕獵爲業。元時稱爲林木中百姓。國初謂爲樹中人。又謂爲使鹿部。

太祖高皇帝用兵黑龍江。招服諾囉路。諾囉即鄂倫之轉音

太宗之世。命阿賴達爾漢率外藩蒙古諸貝勒。往追茂明安部下逃人。至使鹿部喀木尼堪地方。

招集葉雷舍爾特庫巴古奈土古等。及其從役家人來獻。又柳邊紀略云。使鹿部大約在

使犬部之外。崇德元年五月。阿賴達爾漢追茂明安部下逃人。至使鹿部喀木尼堪地方。

獲男女二十九來獻。至今未通朝貢。無由見其國人。但聞其使鹿如使牛馬而已。又異域

錄云。伊聶柏興。俄人呼城曰始贊之俄羅斯。呼索倫爲喀木尼堪。又呼爲通古斯。俱畜鹿以供乘

馱。賦其鹿灰白色。形似驢騾。有角。名曰鄂倫。今按鄂倫春所使之獸。彼族名曰沃利恩。

即鄂倫春之轉音。俗名曰罔不像子。即此也。形質詳物產章內所謂喀木尼堪。亦沃利恩之別名。

此可見鄂倫春命名。即以使鹿之故。又朔方備乘云。鄂倫春者。索倫達呼爾類也。黑龍江

以北精奇里江以南皆其射獵之地。其衆夾精奇里江以居。似與素倫爲近。其隸布特哈八旗爲官兵者。謂之摩凌阿鄂倫春。其散處山野以納貂爲役者。謂之雅發罕鄂倫春。

按阿雅發罕。滿洲語。鄂倫春。馬步下也。

雅發罕鄂倫春。有布特哈官五員。三歲一易號。曰諳達。歲以徵貂至。

其境。其人先期畢至。奉命維謹。過此則深居不可蹤跡矣。蓋開國之初。彼輩已相率內屬。後因羅剎擾邊。屢被侵掠。亦有逃歸羅剎者。康熙二十三年。將軍薩布素奏稱。夸爾大鄂倫春等。抵羅剎地方。遣宜番造其居。開諭之。取其鳥槍二十具。並鄂倫春留質之子三人。至康熙二十八年。平定羅剎。立碑定界。鄂倫春乃得帖然無事。與木石居。與鹿豕遊。永爲中國沿邊深山之野人。然其所居之地。與俄爲鄰。終不免與俄互市。黑龍江外紀云。俄人之鳥槍。常於莫里勒克處。售之鄂倫春。又云。俄商舊與鄂倫春互市。地名齊凌。轉爲麒麟。因有麒麟營子之號。後將軍傅玉。搜獲遁逃無算。乃禁互市。又魏源云。有不編佐領之使鹿部。名曰奇勒兒。乃知齊凌麒麟。均爲奇勒之轉音。今查奇勒口。在額爾古訥河口東。南距河口約十里。沿黑龍江南岸。爲鄂倫春與俄人來往交易之區。此口係一山溝。寬不

及半里中有華商新修之木塲房一間。復查鄂倫春係內興安嶺土著之民。慙悍過人。排鎗每發輒中。俄人亦頗畏之。耐寒畏熱。時以出痘爲患。初歸布特哈總管派員銜轄。號稱諸達。同治初年。吉林省屬馬賊猖獗。將軍富明阿公奏調鄂倫春人五百前往一戰而定。同治十年。將軍特普欽公奏於內興安嶺內外分爲五路。以備調用。光緒元年。將軍豐紳公奏調鎗隊五百人。每歲三月間。調集內興安嶺旺山一帶操演四十日。犒賞銀兩布匹遣歸。六年。將軍定安公奏增挑鎗隊五百人。合計千人。每歲由將軍特派協領一員。會同布特哈總管。屆期查操。八年。將軍文緒公奏設興安城副總管一員。建城於嶺內之太平灣。有武帝廟。有軍器庫。有公備倉。其奏設興安城總管略曰。查鄂倫春一帶。牲丁久居山內。二百年來。未濡教化。幾同野人。向歸布特哈總管轄治。所捕貂皮。輒爲諸達諸人。以微物易去。肆意欺凌。不啻奴畜。在當時山深地闊。尙不爲苦。近因江左盡歸俄界。僅有江右山場。捕獵愈稀。實屬不敷餬口。且有逃歸俄境。以資生者。前任將軍挑練千名。犒賞布銀。專歸諸達總管。略寓收撫之意。而明歸諸達總管。則權勢益重。而受制益苦。浸成仇敵之

勢誠恐激生事端。滋起邊釁。籌計久遠。非編旗設官。列城置戍不可。該牲丁鎗法極準。人亦勇鷙。性與索倫相近。同爲國家赤子。本無貴賤之分。及時收輯。足期強兵固邊之效。會飭派杏操協領。會同布特哈總管入山。宣布

皇恩。該牲丁感激流涕。願即歸伍當差。以免諳達欺凌。擬請就原挑千名。分設佐領管轄。月給餉銀一兩。歲貢貂皮一張。設總管銜副總管一員。總理其事。以下各官。均照布特哈城章程辦理云云。然彼等心性顛愚。一飽無求。言語亦不易通。例操之外。往往伏而不出。建城以後。歲餉積存。幾無人領。太平灣雖爲五路適中之地。而城署均處窪下。工費萬金。歲未踰紀。已坍塌不可居。總管遂寓於喀爾塔爾奚站。有美意無良法。不能不爲始事者惜。至光緒二十年。黑龍江將軍奏收籠鄂倫春。將原設興安嶺城衙門。概行裁撤。所有鄂倫春分歸黑龍江墨爾根布特哈呼倫貝爾四城管理。黑龍江上下游分二路。墨爾根布特哈呼倫貝爾各爲一路。每路專設協領一員。以資收籠。其歸倫城管理者。即托河一路兩佐。均予限三年。何城先行收籠足額。早得實效。即由該城副都統專摺奏請獎敘。帶領引

旨錄用。於三年成效後，將鄂倫春人帶出山外，統之由副都統齊集教練，務期熟諳風化，俾可濟緊急之需。此鄂倫春歸倫城管轄之始也。無如地處山深，尋查不易，稍沿既久，視爲具文。鄂倫春既不知管理者爲何人，管理者亦不問鄂倫春盡居何地，復何有於收籠。而額爾古訥河右岸山中之鄂倫春，僻處荒邊，聲息阻隔，尤漫無統屬。日用所需，及獵得皮張，均須向俄境購取銷售，往來既稔，遂受俄人籠絡，潛入俄籍。光緒三十四年夏，派員調查沿邊，並令入山調查鄂倫春，究竟使鹿使馬戶口若干，有無入俄籍者，以資收籠。聞珠爾干河總卡對岸俄屯烏溪羅甫，其商人常與鄂倫春貿易，擬由此處入山，詢之俄商云：彼等居處無常，當此大雨時行，時在七月中道途泥濘，草木叢雜，人馬均不能行。彼等與俄商貿易，有一定之地，一定之期，去此華里五百餘里，有山名頗可軸爾，復三百里有木梁房一間，爲交易之定地。俄歷十月二十前後，卽華十月初十前後，爲交易之定期。過此以往，則蹤跡難尋矣。又云：彼等已半入俄籍，歸伊格那紳俄屯長所管，其頭目居額爾古訥河

下游之奇勒口內。其人俄籍。因從前彼等牲畜均行倒斃。山獸亦少。貧乏不能自存。遂出山至沿邊俄屯。舖工。因粗知俄國語言。遂由此變服制而入俄籍。後又詢之俄屯屯長。並沿邊華人所云。皆同時。以相證。其地。在額爾古納河口。用俄人引路。溯
往尋鄂倫春。人中有一百餘里。於巒巒疊障中。遇三人。質質
然。貌似。而衣俄服。一老兩。問俄人。知爲鄂倫春。見面似有退避之意。俄人呼之。
始至。遂相對與俄人語。亦不疑所言之。俄人云。彼等所居之地。即在目前山內。
導行數里。至其地。所居皆以雞毛毡或樹皮爲之。形與蒙古包等。入其室。婦孺衣服。亦與
俄人同。席地坐談。問其頭目所在。並名字。答云。無定所。頭目有二。一俄國人。一鄂倫春人。
鄂倫春人名過爾。答過夫。聞前數日往俄境矣。又問其於何年入俄籍。戶口若干。皆答不
知。又問其在此係長居。豈暫居。答不日即遷。蓋彼等隨山逐獸。原無一定住所。又問每年
所得皮張若干。則云多寡無定。查此地共鄂倫春三家。彼二家家長。一名沃西力沃司克。
一名各拉西木。男女共十五人。因將所携之鳳梨洋酒等分賞彼三家。諭以賞賜之意。且

勸以仍歸中國。觀其意似解不解。直若犬馬之不與人同類者。而其名字則皆取俄國語言。頭目又無從尋覓。遂復由故道返回。至俄屯博格羅夫。有素與鄂倫春交易之俄商云。鄂倫春之人俄籍者。分二沃洛特。即華言兩旗一爲根得及力司克矣。沃洛特。其頭目名飄。爾格爲力勒爲池。幫辦名國爾大。國羅夫。一爲娑羅國恩。挪司刻矣。沃洛特。其頭目名飄。得爾泥克拉牙爲池。幫辦名司及班牙克爲池。二旗共百七十餘戶。雖歸俄籍。亦僅割髮變服制而已。至俄民所有之權利義務。彼等均無關係。每人年給俄屯俄盧三元。此錢亦非國課。蓋因彼等養生送死。均必至俄屯教寺。請教士誦經。故給此錢耳。每年均於俄歷六月初一日。其頭目來交此錢。並率鄂倫春買賣貨物云。該商所稱鄂倫春頭目之名。與入山所調查者不同。未知孰是。

謹按鄂倫春人。係我屬部。且居我境。以屬地屬人之義言之。均不准私入外籍。今以無人管轄之故。受外人籠絡。私入俄籍。久恐爲患邊疆。急應設法收籠。其收籠之法。查明戶口。擇其頭目。給以官墻。使之有所統屬。勸令仍歸華籍。按年春季派員進山。

稽查賞賚宣布

朝廷威德。如有甘心向外。不肯再隸華籍者。即以俄人論。查明驅逐。不准仍居華界。以杜後患。

第八卡倫 邊界卡倫之沿革及現今分設數目地名並相距遠近

沿邊卡倫始於雍正五年郡王策凌伯四格侍郎圖理琛等會同俄羅斯使臣薩五勒定疆界並設卡倫五十九處屬於呼倫貝爾者十有二曰察罕敖拉亦名察罕鳥魯曰蘇克特依曰阿巴該圖曰孟克西里曰額爾得尼托羅輝曰庫克多博曰巴圖爾和碩曰巴雅斯胡郎圖溫都爾曰胡裕爾和奇曰巴彥魯克曰西伯勒布拉克曰珠爾特依輪派倫城蒙古官兵戍守每卡駐防官一員兵各三十名兩卡之間均立鄂博卡倫官兵每日巡查三月一更遇有俄人越境及偷盜牲畜者歸總卡官通報辦理乾隆二十五年重行整頓復派總管一員佐領二員每月巡查一次每卡設蒙古包四個共四十八個每年需用補修銀九十六兩由本處稅項開銷此十二卡倫皆沿國界而設名之曰外卡倫雍正十一年因外卡防守多疎時有俄人越境復於外卡以內設十五卡倫以資聯絡曰庫里多爾朔方備案作庫都爾當即距庫克多博二曰特勒墨勒津朔方備案作特爾墨勒津一作特爾墨勒音曰特尼克朔方備案作特尼河曰崇十里之特勒布爾河朔方備案作崇古林谷曰依拉該圖朔方備案作河爾亥圖山口一作阿曰哈濟朔方備案作崇古林谷

爾格河即倫北六十里之莫勒各爾河

曰沙拉鄂蘇朔方備乘作落喇鄂索谷口一作錫曰薩勒奇圖朔方備乘

作薩奇勒圖一作薩爾奇曰翁昆朔方備乘作用拉里河翁昆開曰溫都爾勒蘇朔方備乘作溫

特山一作薩爾奇圖山曰烏爾圖布拉克朔方備乘作鄂勒圖舍均與各外卡倫相

距一二百里不等名曰內卡倫咸豐七年因與外卡相距太遠恐稽查難周奏明向國界

就近遷移與外卡倫相距各三四十里不等以便互巡內裁去三卡改作三台共存十二

卡倫另立新名曰西伯爾昂阿曰邁罕圖曰查勒奇昂阿曰色格勒吉舍哩曰郭爾畢舍

哩曰阿魯呼都克曰西里呼都克曰布木伯諾爾曰固勒特格曰昂爾山布拉克曰烏噶

拉吉布拉克曰達西瑪克布拉克每卡駐守官一員兵二十名兩月一換每月派佐領一

員往巡一次嗣因奉行日久內卡倫漸皆廢弛舊址均無從查考光緒十年因防俄人越

界挖金由黑龍江城於倫境珠爾特依卡倫北沿額爾古訥河岸增設卡倫五座曰莫里

勒克曰牛爾河曰溫河曰伊穆河曰額勒和哈達歸黑龍江城副都統管轄派官兵駐守

國界之在倫境者。前後共設外卡倫十七座。至庚子之亂。卡倫皆被俄人焚毀。官兵盡行逃散。沿邊之主權利權。一任俄人攬纏。而無能過問。至光緒三十三年。經前任蘇副都統始議規復舊制。重設卡倫十一座。從查罕敖拉起。至珠爾特依止。而珠爾特依迤北之卡倫。仍復闕如。每卡駐守官一員。每月支餉銀三兩。領催一名。兵八名。每月支餉銀二兩。由倫城戶司所存草稅項下開支。官兵亦均由蒙人派充。兵單餉薄。不惟不能守邊。反藉以盜賣木植羊草。甚且有受外人一嚮之飽。而爲守牧牛羊者。蠢此愚蒙。罔識國體。夫亦何怪其然。光緒三十四年冬。宋副都統權鎮斯土。見邊防之廢弛。實由於蒙人之愚弱。到任伊始。即咨商省署。經營邊務。詳定章程。將卡倫蒙人一律撤換。改招農民充當卡兵。仿古人屯田之意。爲經久之謀。由塔爾巴幹達呼山起。至額爾古納河口。共設卡倫二十一座。沿舊名者十有五。曰查罕敖拉。曰阿巴該圖。曰孟克西里。曰額爾得尼托羅輝。曰庫克多博。設爲總卡倫曰巴圖爾和碩。曰巴雅斯胡郎圖。溫都爾。曰胡裕爾和奇。曰巴彥魯克。曰珠爾特依。曰莫里勒克。曰牛爾河。曰溫河。曰伊穆河。曰額勒和哈達。新設者六。曰塔爾巴幹

達呼山。曰畢拉爾河。曰珠爾干河。設爲總卡倫曰長甸。曰奇雅河。曰永安山。舊卡倫報廢者二。曰蘇克特依。曰西伯力布拉克。於三十四年夏。相繼分設。現未設者。僅塔爾巴幹達呼山。長甸。奇雅河。三處。於倫城設邊墾總局。以提綱絜領。又設滿洲里邊墾局。吉拉林設治委員。以分任稽查。開辦數月。從前俄人之任便越界。取携自如者。皆爲歛迹。卽有所需。如伐木刈草等事。亦皆請命於我。遵章納稅。主權利權。已稍收回。從此一意經營。不難漸臻充實。至卡倫所在。並相距遠近。均詳圖表。詳細規則。備載卡倫章程。

第九治所 界內設治處所及商場

倫境沿邊荒涼空曠。向未設治。今既經營邊務。與辦屯墾。不能不擇要設治。爲經久之計。以地勢論之。第一爲滿洲里。滿洲里地當邊要。爲東清鐵路入境首站。且已開作商埠。俄蒙往來。又以該處爲衝途。時有交涉。現已奏設臚濱府。次則吉拉林。吉拉林爲沿邊適中之地。原有金礦。聚集流民。時起爭端。且地土膏腴。從前俄民時有越墾。亟應招徠墾戶。逐漸實邊。現已奏派試辦設治委員。定名爲室韋廳。然吉拉林地勢較小。不過就金廠爲暫時根據。將來室韋廳。仍應於根河北岸。擇地移設。方爲得勢。次則珠爾干河。距吉拉林過遠。道路亦多阻隔。現設總卡官。經營邊墾。俟將來人民漸多。再行設治。次則額爾古訥河口。爲倫邊之終點。距珠爾干河尚五百餘里。且與黑龍江會流。地勢最爲險要。日後亦當設治。其可設商場者。除臚濱府已開作商埠。此外如庫克多博。爲蒙俄華人來往通衢。現已招有商人十餘戶。逐加提倡。可以漸臻繁盛。吉拉林內有金廠。且與各俄屯密邇相接。現已有商人十餘戶。將來墾礦振興。商業亦不難起色。一珠爾干河並額爾古訥河口。爲

鄂倫春人等出入之區。皮張最爲大宗。向歸俄商收買。以皮易貨。不論價值。一任俄商愚弄。俄商將皮張運至俄京。或運至外洋各埠。得利數倍。由此致富者甚多。我苟設法將鄂倫春收籠。即於此二處。立市招商。以便交易。既免爲俄所羈縻。利權亦不至外溢也。

第十交通 界內道路之遠近夷險衝要並應如何開通之處

經營地方。首重交通。交通不便。則發達難期。陸路尤爲交通之首務。倫境沿邊一千五百餘里。其有道可行者。則由塔爾巴幹達呼山至吉拉林。共七百餘里。無高山大嶺。其中雖間有險阻之處。然稍加脩補。即可成爲周道。其未經開通者。則自吉拉林至珠爾干河。三百五十餘里。山嶺已多。僅有荒僻小路。可容人行。向無車馬蹤跡。由珠爾干河至額爾古訥河口。五百五十餘里。則連峯疊嶂。深林密箐。山石崢嶸。壁立河上。求一緩崎嶇。亦不可得。行旅往來。非假道於俄。不能飛渡。致受俄人多方挾制。而莫可如何。於此而欲謀交通。非將我岸道路開通不可。然山多樹密。工程浩大。鉅款恐未易籌。爲今之計。應先派員詳細查明。易脩者若干處。難脩者若干處。將附近各卡易脩之處。責成各卡倫卡兵隨時脩治。其難脩之處。另僱人夫開脩。邊境人民尙少。不必驟開大道。但脩一人馬能行之路。有河之處。查看水勢大小。或修木橋。或造渡舟。可資馱運。可通郵遞。便可暫濟目前。俟邊民漸多。籌款較易。再官民合力。開修行車大路。以目今吉拉林至額爾古訥河口。夷險通算。

約不過三萬金。可以蔽事。此實無可再省者。其沿邊衝要之途。舍滿洲里鐵路外。以庫克多博爲最界。外各處俄人之來華境者。均由此渡額爾古訥河。越界循根河而上。至色格勒吉舊卡倫。以達海拉爾城。又可由根河經布特哈界庫魯格卡倫。至墨爾根黑龍江城。以赴俄界之阿木爾省。華俄人由海拉爾販運私酒。並赴華俄各金廠作工者。亦必經庫克多博。其次則珠爾干河總卡倫。額爾古訥河口兩處。爲俄人越界入山與鄂倫春交易之處。亦關緊要。

交通二 郵車

俄境各屯。皆備有郵車。彼族名曰博其圖由國家資助。民間承辦。除傳遞文報外。來往商旅。均可僱用。接站換馬。遞送。冬令於河上駕駛冰橇。每一日夜可行三四百里。最爲捷速。我境亦宜仿行。自庫克多博起。至額爾古訥河口止。每卡由官給馬八匹。自備冰橇兩輛。詳定章程。以便遵守。用款不過數千金。官民均稱便利矣。

交通三 額爾古訥河行船

陸路要矣。水路不通，則運輸仍屬遲滯。而國際河流之航權，盡爲外人所操，亦非計之得也。額爾古訥河，係中俄公共之水，乃俄人輪舟激駛，上下相連，左右岸均有船照，以識水道。由額爾古訥河口，可上達至吉拉林對岸，俄屯臥牛、槐布拉等處。我則片帆絕影，沿途往來載運，皆仰給彼族，往往受其要挾。如僅恃陸路，夏秋之際，山水漲發，卡倫運糧中途阻滯，貽誤良多。發時度勢，航路實不可須臾稍緩。所慮者，額爾古訥河下游兩岸，均係懸崖絕壁，水大溜急，風船可順水而下，不能溯流而上。非輪船難以爲力，輪船復需款甚鉅，加以沿邊地廣人稀，除載運沿邊卡倫糧餉外，貨物實屬無多。開辦之初，必致賠累。此招商集股，所以每裏足不前也。如責成各卡倫公共辦理，亦實力有不足。統籌全局，是宜由省城另籌鉅款，合吉江兩省立一輪船公司，派熟悉船政之人，專理其事。以松花江、黑龍江爲正路，以額爾古訥河、嫩江爲支路，一氣貫注，化板爲活，邊腹各地商墾均易振興。於行政軍事亦多裨益。其利誠非一端，則開通全局者在此，即開通倫境者在此也。

交通四 界內應設電線之處

水陸交通。而消息不靈。遇事亦多延誤。沿邊俄界。於距界八十里之維窩答。有電報局一處。可通國內消息。有華界鐵路電線。可通國外消息。其沿邊未設電報之處。皆有郵政局。以通消息。我界則沿邊文報。向由卡倫傳送。道路遼遠。異常遲滯。方今整頓邊防。遇有緊急之件。必多貽誤。謂宜於倫城內設電報局一處。由倫城至省。尙可暫借俄電。由倫城至沿邊一帶。均自行安設電線。由倫城至庫克多博。總卡倫。暨吉拉林。珠爾干河。額勒和哈。達各設一電報生。其滿洲里新設之臚濱府。仍暫借俄電。以達於倫城。至額爾古納河口。以東。遼愛琿轄境者。亦請一律興辦。如此則上下銜接。內外相通。邊荒數千里。麻木不仁之病。可立轉爲靈活矣。

第十一稅務 界內木植羊草牧畜皮張各稅如何徵收及數目

國家籌款營屯。重在實邊。而不重在言利。沿邊初辦屯墾。正當力從寬大。使各省人民聞風趨赴。以植繁庶之基。豈驟言徵稅。作目前之計。但邊荒寥落。防守久疎。我界物產。如草木等類。向任俄人伐割。無人過問。彼界村屯日密。所產草木。又不足供建築炊爨牧畜之用。越界取携。已成習慣。一旦驟予封禁。絕其生計。必出全力以爭。我界經營伊始。豫備未周。稽查既難嚴密。盜伐實所不免。操之過急。恐生重大交涉。而俄領馬那金及駐倫外部官吳薩謐。復殷殷向我懇求。暫允俄民越界伐木刈草牧畜。因咨明省署。與之詳定稅章。並訂明一年一定。以示操縱在我。為一時權宜之計。俟我邊地日闢。邊民日聚。再當酌量情形。隨時封禁。由光緒三十四年五月起。至十二月底止。共收羊草牧畜稅。俄盧一萬五千餘元。木植稅。尚未報齊。據各卡稟稱。約已收有二三千元。皮張均係山內鄂倫春所獵。稽查最為不易。前飭珠爾千總卡倫。與俄商訂一簡便辦法。近據稟稱。自光緒三十四年十月起。至宣統元年二月止。有俄商六家。包納稅項。俄盧二千元。本年察酌情形。另行

定章辦理。統核上年半年內共收各項稅款不下二萬盧布。事經初辦。爲時已晚。不無疎漏。本年自春季辦起。將來卡倫設齊。稽查周密。收款當不止此。似此辦理。主權利權。兩無所失。國際邦交。均能兼顧。而取之俄民。於邊荒招墾。亦毫無窒礙。且化無用爲有用。是亦籌款之一大宗也。收稅章程附後。

俄人越界割草章程

第一條 俄人越界割草。本與兩國約章不合。在應禁之列。因兩國和好。界內各草甸。亦尙未開墾。上年從權暫准納稅領票。越界割草。今將上年章程。重行酌訂。以便遵守。

第二條 吉拉林大溝。白口門起。暨溝內各小溝。並有華人領地之處。及各溝內已經華人承領之草甸。各局卡附近在華五里以內之草甸。與各局卡界內經華人領墾地方。並距奇乾河烏馬河礦務局附近二十華里以內。均不准俄人割草。其餘各地方。距額爾古納河二十華里以內。從權暫准俄人報明領票割草。如二十華里以內。實無羊草。或並無好草。由局卡查明。方准在二十華里以外割草。惟不准出卡倫稽查範圍之外。以致照料不及。

第三條 既從權暫准俄人越界割草。應即繳納草稅。每草一布特。納草稅羌錢一各別零一文。每十布特加收票費羌錢一十文。計十布特共應收錢十二各別。票費在內。其割草領票期限。仍自本年五月初一日爲始。

第四條 各屯割草須先由各屯長報明割草姓名。指明何處。由吉拉林設治局滿洲里邊墾局或庫克多博珠爾干河兩總卡倫暨阿巴該圖珠爾特依額勒和哈達三卡官處查明該處無華人承領。別項窒礙。方能允許。允許之後。預計割草若干布特。照章交足全稅。發給草票。方准刈割。完將草堆積成梁。小以五布特爲一梁。大以五十布特爲一梁。以便局卡派差查驗。若草梁過多。不能接查。酌量抽查一二梁。餘卽類推核算。如恐分兩不能恰合公允。可將草梁先用華尺丈量。後用俄秤稱之。以冀得其均平。其所割數目。如不足梁內之數。前交稅款概不退還。仍照草票數目換給運票。方准拉運。倘所割之草較草票數目加多。卽按加多之數補足草稅。方准發給運票。統限至華歷十二月十五日運完。未經點驗以前。若私行運走。局卡未得臨時查獲。事後卽按照票根人名草數。向俄屯長追究。照原領票照草數加罰稅錢一半。若已經點驗。不領運票。卽行拉運者。查出將草入官。

第五條 所割之草。或因路遠。或因無雪。或因河水未堅。以及遇有意外事故。屆期不能拉

運或已運而未經完竣者准其展限。審量地方情形。至能運出時爲止。惟須報由各卡

查明情形。核准後方准照辦。然祇准展限拉運。不准將已割未運之草就地喂養牲口。

第六條 如查無華官所發草票。私自越界割草。將所割之草入官。並將私自割草之人。交就近俄官照竊盜例懲辦。其在漠河奇乾河所領草票。吉拉林設治局滿洲里邊墾局及各卡倫概不承認。

第七條 俄人割草。如本人不能自割。僱有把頭。須將把頭姓名註明票內。以便稽查。如查其名票不符。即將羊草入官。

第八條 割草地方。既經指定某處。於票內註明。即須在某處刈割。完時聽候查點。如執此一票。又另在他處照數割取一份。查出將兩處所割之草一併入官。並從重議罰。如其原指草甸實在割不足數。准其報由局卡查明允許。方准擇地另割。並將另擇處所。註於票內。以備查驗。

第九條 各處草廠。有寬長至五六十里。統爲一地名者。俄人等若先後領票割草。共指一

處應由領票局卡派差接領票先後。以次劃定界限。並由本人自立記號。以免爭執。


第十條 割草無論人數多寡。均須註明票內。過界時攜帶此票。以便稽查。並不准私帶槍械。如須攜帶獵槍或手鎗自衛者。每票一張。祇准兩桿。均須報明局卡。於票內註明。違者查出將鎗械扣留入官。

第十一條 俄人已割之草。歸本人自己看守。如有火燒丟失。及牛馬牲畜踐食於局卡無涉。所交稅款。不能退還。其割草時。只准搭蓋小窩棚。以避風雨。不准蓋房居住。割草事畢。即歸俄屯。

第十二條 准俄人越界割草。原為敦睦起見。兩國人民。須益形親睦。不得因割草有爭執。行強情事。違者將草票追回。既在中國境內。應由局卡拏交就近俄官懲辦。

第十三條 以上各條。係指宣統元年割草而言。明年准否割草。仍須查看情形再定。且專指呼倫貝爾轄境至額爾古納河口而言。自黑龍江即阿木爾以下。係愛琿轄境。與此章無涉。

第十四條 以上各條譯成俄文黏連華文之後發給各俄屯以便俄人有所遵守如有應
需核對質証之處以華文爲主。



俄人越界牧畜章程

第一條 俄人越界牧畜。原非兩國約章所有。因兩國和好。上年從權暫准納稅領票越界牧畜。以敦睦誼。今將上年章程。重行酌定。以資遵守。

第二條 各屯越界牧畜。每牛馬駝一頭。每月納稅俄洋十三個別。票費一個別。共十四個別。其不食乳之小馬牛駝。在二歲以下者。每頭減半。其食乳之小馬牛駝。免稅。山綿各羊。每月納稅羌錢三個別。崇費半個別。其不食乳之羊。羔減半。食乳者免稅。牧放日期。均自本年章程訂定宣布之日爲始。

第三條 俄人越界牧畜。須由屯長在吉拉林設治局滿洲里邊墾局或庫克多博珠爾干河兩總卡倫暨阿巴該圖珠爾特伊額勒和哈達三卡官處。報明俄戶若干。共有牛馬駝羊若干。按照第二條章程。交足草稅票費。方能發給執照。准越界牧放。其牲畜名色數目。併註票內。此票應每羣呈領一張。俾資查驗。以一個月爲限。牧放不滿一月者。亦按一月收稅。限滿即將原票呈繳。下月如欲接放。赴局另領。其牲畜數目。照上月如有增減。隨時

報明計於票內。凡牧畜之人，必攜帶牧畜執照。呈由局卡驗明始准其越界牧放。如經局卡查無執照，即將牲畜扣留入官。若有執照，其牲畜數目與票照不符，按少報牲畜數目，照應納草稅補交外，再罰兩倍。

第四條 沿額爾古訥河各溝，距河十華里以內，凡無華人墾種之荒，及無卡倫之處，均可牧放。惟不准在十華里之外。其吉拉林大溝，自口門起，及溝內之各小溝，並奇乾河、烏馬河、二十華里以內，留作金廠自行牧畜之地，亦不准俄人越界牧畜。違者將牲畜入官。至沿額爾古訥河各溝，凡有華人墾種青苗菜園，及有卡倫之處，四面各五里以內，均不准牧放。以免有碍種植。其有林木之處，及已刊林木，將生小樹之處，皆不准牧放。違者每牲畜一頭，罰俄洋一圓。

第五條 牧放牲畜，如有踏損華人青苗菜園情事，准華人先將牲畜扣留到設治局邊墾局，或就近卡倫報明。由局卡酌量踏損之多寡，與就近俄屯長議定價值，責令牲畜本主賠償。其扣留牲畜看養費，須由俄人計日算繳。倘不認賠償，即將牲畜扣抵被損之人。

第六條 牧畜之人，帶有執照，可以時常往來。其牲畜須自行照料。如有丢失傷亡，與局卡無涉。如求局卡幫同尋查，可以酌允派人，以示敦睦之意。

第七條 越界照料牲畜之人，祇准搭蓋小窩棚，不准蓋房居住，並不准私帶槍械。如須携帶獵槍及手鎗自衛者，報明局卡，在牧畜票內註明。每羣祇准帶二枝，不准多帶。違者將鎗扣留入官。

第八條 俄人牧畜地方，如有華人在彼牧畜，須互相照料，以致睦誼，不得彼此爭執。若華人所放牲畜，跑入俄人牲畜羣內，或俄人牲畜跑入華人牲畜羣內，均須聽其尋找，不准隱匿。如果有心隱匿，無論華人俄人，一經查出，除將牲畜交還原主外，每牛馬駝羊一頭，按照所值價錢，由局卡與俄屯長議罰。如有抗違，照相當之數，將牲畜扣留。

第九條 照料牲畜之人，係屬俄人，或係僱用華人，某姓某名，均須報由局卡註明票內。於過界時，早由局卡查驗，其人與照內姓名不符者，將票扣留，不准過界牧放，以杜未領牧照者，借票通融牧放，希圖取巧。

第十條 准俄人越界牧畜。原爲兩國和好起見。華人俄人應益加敦睦。倘俄人有兇橫行強情事。既在中國境內。應由各局卡倫。拏送俄官。認真懲治。其有關係牧畜兩國人民交涉事件。以上各條未及載明者。報由華官。知照俄官和平商辦。

第十一條 第二條所載牛馬駝羊稅錢數目。係專指牧放牲畜而言。與割草無涉。越界割草。另有專章。

第十二條 以上章程。專指宣統元年而言。明年准否越界牧畜。仍須查看情形再定。且專指呼倫貝爾轄境至額爾古納河口而言。自黑龍江即阿木爾以下。係愛琿轄境。與此章無涉。

第十三條 以上各條。譯成俄文。黏連華文之後。發給各屯長。以便俄人有所遵守。如有應行核對質証之處。以華文爲主。

砍木鑿石章程

第一條 沿邊俄人越界砍木鑿石。本與兩國約章不合。在應行禁止之列。現因兩國和好。暫准納稅領票。越界砍鑿。明年應否照辦。再行隨時酌訂。

第二條 凡華俄人等。欲在呼倫貝爾沿額爾古納河界內砍木。必須先行指定地名段落。里數。暨砍取何項木植。並某項若干。到就近發票局卡。報明經官查驗。必須與華人生計無碍。刊明記號。方准發給砍木票據。應納稅課。即按擬砍數目。照稅則先繳半稅。此半稅無論將來砍木多寡。概不發還。不繳者不准給票。俟木植砍齊。照所砍數目補繳未交稅款。如所砍止足原擬數目之半。不再收稅。如未領照。私自砍木。將所砍之木入官。其私自砍木之人。即照竊盜例懲辦。俄人則送就近俄官究治。

第三條 領票砍木者。因先估之數太少。此地所出之木尚多。或欲在就近地方展砍。亦須先納半稅。續領大照。方准再砍。如未續領大照。先行動工。亦爲私砍。照第二條私砍處治辦理。

第四條 木植砍齊須先到原領票據局卡報明經官點驗清楚按數打印記號交足所欠一半稅款發給運票方准拉運此項運票不收票費限至次年正月十五日運完倘因道路無雪或有緊要之別情耽擱應先到領票局卡報明酌予展限然至遲亦不得逾次年二月底均須運完或運至河干所有木料由砍木人自己看守倘有遺失與局卡無干其運至河干者俟開河時或穿筏或船運自開河日起不得過一月之期均須運完其運木時應由局卡查驗如無記號或無運票或有運票木數與票內數目不符一經查出除補納正稅外仍照應交之稅款數目加二倍科罰

第五條 砍木時只准搭蓋小窩棚以避雨雪不准蓋房居住將木運畢即歸回俄屯

第六條 木稅均按尺寸徵收用中國官定木尺丈量大木從小頭鋸口計算火柴均須堆成古勃以便點驗仍以六尺六寸立方計算爲一古勃

第七條 凡領票砍木者除照納稅項外每票一張應繳票費羌錢一元半

第八條 凡沿邊俄人領票砍木一俄屯只准指定砍木段落一處倘所指地段木植不敷

應用。應俟在該處砍畢時，再行指領他處，以便稽查。

第九條 領票砍木者，如註明大木，則所砍木植大頭尺寸，必須徑在華尺八寸以上者，方准砍伐。不及八寸者，概應留養。不准濫伐。至雜項小木，僅可取作火柴，或房椽扁担斧把車轆車弓車轂等項，必須小木者，不在此例。

第十條 砍木須先留意，不可損傷小樹。除砍樹之地，放倒壓壞不計外，於運出時，應先開通道路。道路以外之小樹，概不准稍有損傷。違者，按所傷樹木，每株罰俄洋二元。

第十一條 剝取松皮，其樹大頭，必須徑在一尺以外。樺皮其樹大頭，必須徑在八寸以外。方准剝取。倘不足此數，濫行剝取者，每株罰俄洋三元。

第十二條 凡砍木時，均須慎防火災。倘有不經心，或故意放火燒山者，由就近局卡詳查情形，並視所燒山林多少，分別輕重，罰俄洋十元至二百元。如係俄人，知照就近俄屯長會同辦理。

第十三條 砍木之人，不准私帶鎗械。如欲携鎗自衛，亦須報明原領照局卡，在照內註明。

每砍木廠祇准帶獵鎗或手鎗二隻不准多帶違者將鎗械扣留入官。

第十四條 砍木須遵照定界址不得越界亂施斧鋸亦不得因砍木有爭執行強情事違者將先交半稅入官大照追回並將越界爭執之人懲辦俄人則送就近俄官處辦理。

第十五條 凡鑿取石塊應先將取用數目報由就近局卡指定與草木道路房屋一切均無妨礙地方先收半稅發給准鑿石塊執照始准鑿取每票一張收票費羌錢一元半限一個月鑿齊鑿齊時即由鑿石人將石塊堆成立方古勃報由前領執照局卡點驗清楚發給運票始准拉運運完距發給運票時不得過一個月餘照砍木通章辦理。

第十六條 此章係指呼倫貝爾轄境至額爾古訥河口而言自黑龍江即阿木爾以下係愛琿界與此章無涉此章祇指本年砍木而言明年仍須查看情形另行酌定辦法。

稅則列後

大木 各項松木

長華六尺六寸即俄一沙中徑由一寸至一尺每寸收稅錢一個各別四分之三由一尺一寸至一尺五寸每寸收稅錢一個各別由一尺六寸至二尺每寸收稅錢二個各別由二尺一寸以外每寸收稅錢三個各別長華一丈三尺二寸即俄二沙中照一沙中加倍計算長華一丈九尺八寸即俄三沙中照一沙中加兩倍計算長華二丈六尺四寸即俄四沙中照一沙中加三倍計算長華三丈三尺即俄五沙中照一沙中加四倍計算徑寸均一律逐加。

雜木

與各項松木長徑尺寸相同按各項松木稅則減去十分之三照七成徵收。

木板 各木均同

長一沙申厚華一寸寬華一尺以內每塊收稅錢一個各別寬一尺一寸至一尺五寸收

稅錢一個半各別。寬一尺六寸至二尺。收稅錢二個各別。寬二尺一寸以外。收稅錢三個各別。長二沙中至五沙中。均照大木照一沙中。依次加一倍二倍三倍四倍計算。厚一寸五二寸三寸者。照一寸加半倍一倍二倍計算。

硬木火柴

松 檜 樟 柞 槐 黃 柏 水 樺 柳

華六尺六寸立方。即俄一古勃。收稅錢一元八角。

軟木火柴 楊 柳 椴 黑 楸

每古勃收稅錢一元五角。

椽子

長二沙中半。每徑一寸。收稅錢一個各別。由一寸至三寸五分爲止。再大即以大木計算。每戶祇准砍至百根爲止。再多即不准發票。

木炭

每古勃收稅二元四角。

車底襟。	每付收稅一角。
全輻車輪。	每二個收稅二角。
車輻條。	每付收稅一角。
車輞子。	每兩輪收稅八個各別。
車軸。	每根收稅五個各別。
車轆。	每付收稅五個各別。
耙犁架子。	每個收稅一角。
木 椽。	每把收稅三個各別。
掃帚。 <small>在已經砍倒大樹樹枝 取用不准伐取小樹</small>	每百把收稅二角。
扁 擔。	每百根收稅二元四角。
斧 把。	每百根收稅一元。
柳 條。	每古勃收稅三角半。

車弓子。

每個收稅五個各別。

松樺皮。

每布特收稅一角。

石塊。

每立方古勃收稅一元。

第十二兵防一 界內土匪及俄匪之闖入何處最多並應如何設防


呼倫貝爾沿邊荒涼空曠。人迹罕到。向無居民。故亦無匪患。自東清鐵路開通。土工麇聚。良莠不齊。俄匪其立羯子。亦時常闖入。混迹各站。滿洲里東西沿邊一帶。蒙民屢被搶掠。殺傷之慘。年餘以來。已有十餘起。邊境既無防兵。任其出沒。而無如何。亟宜於滿洲里迤西迤東。擇要屯紮巡防兵隊。並於倫城專駐一營。爲游擊之師。庶可保衛邊蒙。而無處擾亂也。

兵防二 沿邊何處最爲險要可以屯兵

呼倫貝爾爲黑龍江西邊門戶。外蒙古尾閭。有屏蔽省城。控制喀爾喀之勢。且興安嶺橫絕中間。儼如甌脫。一旦變生不測。首尾不能相顧。省城西邊之門戶失。即喀爾喀外蒙之尾閭不固。沿邊千餘里。又在在皆關緊要。據險設防。厥有三處。滿洲里爲倫城西邊第一門戶。東清鐵路入中國。以滿洲里爲首站。西達俄都。東貫我吉江兩省。一有兵事。由西伯利亞運糧運兵。數日可達我腹地。急雷不及掩耳。惟有束手受縛。於此處屯駐重兵。外可

截其來路。內可制其歸路。在我得迎頭扼吭之勢。在彼有進退維谷之虞。險要一。額爾古納河口。與黑龍江會流。爲俄國輪船上下往來之孔道。由此溯黑龍江而上。可直達俄境。四特列今斯克鐵路。溯額爾古納河而上。可抵庫克多博。以達倫城鐵路。由此順黑龍江而下。可達愛暉三姓哈爾濱等處。彼族現正經營阿木爾鐵路。緊逼黑龍江岸。與額爾古納河口。僅一江之隔。水陸交通。頭頭是道。於此處屯駐重兵。上以杜其來倫之路。下以截其赴愛之途。使之首尾隔斷。於兵事上最爲得勢。險要二。庫克多博爲邊境俄人來倫要道。由此過俄境。可抵紮窩答。以達四特列今斯克鐵路。由此來我境。可達倫城。並可由根河山路達墨爾根愛琿及省城等處。應屯勁旅一枝。外以制敵人奇兵。內以固倫城守禦。西與滿洲里遙爲援應。北與吉拉林兼爲照顧。險要三。珠爾干河處。額爾古納河下游。適中之地。上距庫克多博。下距額爾古納河口。均甚懸絕。亦應屯勁旅一枝。鎮懾沿邊俄人。且爲額爾古納河口後援。免被敵兵將中間截斷。險要四。設此四險邊境已甚周密。然後路無兵。仍不足以固根本。水路無舟。仍不足以資策應。再於倫城屯紮重兵。爲各路聲援。

於黑龍江額爾古納河製造輪船。編練水師爲全邊血脉。庶幾掉轉靈活。無懈可擊。此雖爲倫境邊防言。實於全省邊防關繫匪淺。但有人乃能有土足兵必先足食。倫境地廣人稀。荒田未闢。若必遠調客兵。轉餉內地。勞費過重。難垂久遠。爲今之計。宜先遷民實邊。務農積穀。並及此閒暇。將原有各蒙旗。撫循教育。堅其愛國之志。振其尙武之風。行之數年。蒙旗知識漸開。人民漸聚。荒地漸闢。以招兵則有人。以養兵則有糧。然後寬籌餉項。多備器械。嚴挑精練。扼要駐防。進戰退守。在在有資。庶可建威銷萌。慎固封守矣。



第十三俄屯 界外俄屯之大小疏密及兵村民村生產風俗

沿邊俄界村屯。共大小四十六處。立屯之始。即在中國設卡之年。惟彼國經營不遺餘力。故能星羅棋布。雞犬相聞。以視我界千餘里。蔓草荒烟。渺無人跡。未免相形見絀。俄境皆係兵村。彼族名曰噶雜克。即華語馬隊與中國之旗籍同。其不隸噶雜克者。惟洽羅布其一屯耳。男自二十歲。即入兵籍。至六十出兵籍。無事則居家爲民。有事則入營爲兵。雖無事之時。出游必須有票。將所游之地。所行之事。均載明於票內。如無事出游。至百里外者。即爲逃民。此法不但有事時招集爲易。且可防盜賊之潛匿。充兵之時。衣帽鞍馬。均必自備。每月僅給俄盧五百文。食糧則由官給。與平民異者。惟所種之田。無賦稅耳。日俄之戰。沿邊各屯陣亡者甚多。至今言及之。壯者尙怒髮衝冠。怯者直終身不敢言戰矣。其沿邊出產草木。均不如我境之盛。惟有金廠數處。產金最旺。其居民均以牧畜墾種爲業。並隨時漁獵。亦有入金廠挖金者。至秋初刈割羊草。或乘馬。或駕車。裹十數日之餼糧。前往山溝河甸。直與內地秋收無異。蓋沿邊俄民。以牧畜爲營業之大宗。牧養牲畜。則以羊草爲最要。

彼界所產羊草不足供彼民之用。非取給於華界不可。故當羊草豐盛之時。無貧富。無男女。均入山割草。屯中幾爲之一空。留以守家者。僅老弱而已。其國酒稅最重。稽查甚嚴。華酒入境。如被查出。雖至少。必須傾棄。男女均嗜酒。凡禮拜神節之日。即遊息飲酒。終日長昏飲者。且無屯無之。雖重稅不恤。流毒直與中國之鴉片等。每屯置阿得蠻一。即華言若干屯。設總阿得蠻一。大屯則有稅官。各屯均置公所。蒙學堂。教堂各一。屯長由屯中公舉。管理一屯之事。即地方自治董事會之會長也。新水亦由屯中公籌。公所爲接待來往官差及會議之處。蒙學堂設教習一員。由本屯自聘。教堂爲婚嫁喪葬誦經之所。中有教士二三名。葬埋則一屯均歸一處。不准自行擇地。婚嫁不用媒妁之言。自行擇配。擇定各請命於父母而結婚焉。其屯名及大小疏密列表如左。

俄屯戶口里數表

擲維依組魯海圖	四大列矣組魯海圖	都 埠 以	嘎 布 司 該	開 拉 蘇 台	南 林	阿 巴 該 圖	沙 爾 松	屯 名
二百一十	一百二十三	九十餘	四十餘	一百六十	七十餘	八十五	一十二	戶 數
一千有奇	六百五十九	五百有奇	二百有奇	八百有奇		五百一十	九 十	口 數
五十里	七十里	三十五里	三十五里	九十里		一百八十里	至	里 數

果爾布挪五	霍林格	洽羅布新斯克	夫多羅矣布得雷	別勒維矣布得雷	伯爾今斯克	布拉	雜勒闊夫
四	二	二	九	一	一	五	一
十	十	百	十	百	百	十	百
餘	餘	一	餘	十	十	八	十
二百五十有奇	一百有奇	八百有奇	五百有奇	七百有奇	八百有奇	五百有奇	八百有奇
二	三	十	一	一	三	四	五
十里	里	二里	十里	十里	十六里	十里	十里

巴	一	盧	葛	敖	臥	都	洽
得	勺		留	洛	牛	布	羅
耳	嘎	溝	其	氣	槐	了	布
四	一	四	七	二	一	恩	其
十	百	十	十	百	百	克	五
餘	七	餘	餘	七	十	二	十
三	十	三	一	十	六	十	七
百	五	百	百	有	百	有	二
九	百	有	有	奇	有	奇	百
十	有	奇	奇	四	奇	奇	有
有	奇	八	二	四	八	十	奇
奇	八	里	十	里	里	六	七
四	里		四			里	
里			里				里

雜 布 心	畢 拉	木 拉 其	西 連 普	達 拉 斯	千 馬 勒	阿 拉 公 斯 克	達 木 蘇
四 十 餘	四 十 餘	三 十 餘	六 十 餘	五 十 餘	七 十 餘	一 百 七 十	四 十 餘
二 百 有 奇	二 百 有 奇	一 百 有 奇	三 百 有 奇	三 百 有 奇	四 百 有 奇	五 百 有 奇	三 百 有 奇
四 里	三 十 四 里	十 里	八 里	十 里	四 里	十 里	六 里

葛其牙	馬林	烏蘇洛普	巴西羅夫	馬林巴西洛夫	魚立牙	繞登科	斐多土
二十二	五十餘	二百三十餘	三十餘	二十餘	八十餘	七十餘	三十餘
一百有奇	一百有奇	一千五百有奇	一百有奇	一百有奇	七百有奇	四百有奇	一百六十有奇
三十六里	七十里	七十里	六里	二十四里	二十里	十八里	十里

說 明	查俄屯戶口係彼族內政未便明查有向俄屯長細詢者有暗中調查者故未能均得一定確數		魯	畢	二	十一	一百一十二	六十	里				
			烏	留	賓	七	十三	四百有奇	七十	里			
			穆	赤	堪	二	十六	一百有奇	九十	里			
		一	各	大	其	十	二	六	十九	十里			
		四	大	了	克	二	十六	一百有奇	七十	里			
		博	格	羅	夫	一	百五	十	八	百有奇	十	二	里
		統共二千七百三十	餘戶	統共一萬八千四百	餘口	統共二千四百四	十二	里					

附錄假道俄境調查記

戊申調查之役。往時由陸路至吉拉林。由吉拉林則僱覓小舟。以達於額爾古訥河口。歸時以額爾古訥河水大溜急。不能溯流而上。遵陸又無道路。遂假道俄境。於八月二十三日中午刻。由額爾古訥河口之博格羅夫俄屯。乘俄人博其多輪船。即華郵政船溯黑龍江上游。即界約所稱石勒喀河而行。子刻至俄屯波沃羅特那牙。停船一小時。二十四日卯刻。至俄屯阿泥及那。停船一小時。午刻至洽婆沃矣新火車站。停船一小時。此處鐵路。詢係新修。爲豫備修阿木爾鐵路運材料之支路。沿岸有新修之木棧房十餘間。皆係傭工者所居。並無土著之民。二十五日亥初。至司特列今斯克。由右岸下輪船。詢聞此處。向係民屯。嗣因爲輪船火車來往交接處。商民遂聚集於此。俄商約五十家。華商七家。華人僑居於此者。約五百餘人。作工者居多數。其餘則係小本營生。並無門面坐落。並有在此設花會賭局者。每人均有人票。爲商者有商票。分一二三等。人票則一年按兩季交錢。每季交羌錢一元。該處有武官一員。俄人名爲包果夫泥克。與中國之參將同。裁判官一員。俄人名爲米勒沃。

蘇及牙稅官一員。其官商居民房屋均在江右岸。鐵路在江左岸。有火車站房數間。賣食品者數家。沿左岸山坡上。復有新修之房屋一百餘間。不知是官是商。抑係民房。是夜在右岸俄旅館住宿。由額爾古訥河口至此。係逆水南行。約華里七百餘里。沿江兩岸皆係邱陵起伏。松樺叢雜。凡有電報局之處。則必停泊。左右岸均有俄屯。惟不及額爾古訥河左岸俄屯之密。二十六日。聞有兵船數隻。在江中操練。遂往觀焉。計共兵船十二隻。皆係今年新造成者。其色黑綠。首尾俱圓形。外包鐵葉。首置大礮兩尊。有旋螺。隨意轉動。兩旁有圓孔數十。係置小礮之處。每船載兵百餘名。以華尺計之。長十九丈六尺。寬三丈六尺。其船塢在距此三十餘里之庫克矣。共新舊船塢二處。在舊船塢造船八隻。新船塢造船四隻。聞今又造新式兵船十隻。因此處船塢難容。遂在黑河製造。亦將不日告成。二十七日午刻。渡江至左岸車站。買票登車。中初至庫克矣。華人呼車站停一小時。鐵路北有未鋪木鐵之支路一條。亦係為阿木爾鐵路運材料者。戊初至聶爾沁斯克車站。停一小時。該處係一郡城。即國初中俄分界之尼布楚在鐵路之北。相距十里許。為商賈輻輳之區。二十八日上。

午卯初。至克類木斯克車站換車。遂下車。候由赤塔所來之車。是日天寒。水已凝冰。午初赤塔火車至。遂登車開行。未刻至吉代矣。司季克。吉代即俄言中國人拉及拉茲得車站。蓋赴滿洲里。中國界東清鐵路。即由此分路。故謂吉代亦司季。東南行二十里許。過黑龍江。俄人謂此爲石勒喀河。再上游即鄂嫩河。橋係石柱鉄梁。申初至阿得力阿挪夫克車站。停三小時。火車至此。盤山而行。曲折高低。不直不平。車行極難。前後用兩機汽車推挽之。且不敢速行。酉刻至邪大羅夫車站。停一小時。據俄人云。此一帶之山。名牙布羅斯闊矣。國類。因此山多盤道。華人遂呼曰盤山。戌初至布力牙特。布力牙特即俄國之蒙古斯克牙站。停一小時。至此則樹木甚少。山勢亦低。二十九日已初。至姿可圖矣。車站停一小時。至此則均平原土嶺。午初入中國境。至滿洲里換車回倫。

